



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Lury ✓
334,335,336

~~328~~
~~329~~

~~621~~

~~329~~
~~328~~

2000.

~~691.~~

Հայք
334

ԱՐՈՒԹԵՒՆ ԵՒ ՄԱՆՈՒԵԼ

Դ. ԱՂԱՅԵԱՆԻՑ

~~379~~


4061

~~803~~

ԱԶԳԱՅԻՆ ՎԿՊ



~~378~~




ԹԻՖԼԻՍ



1888

1652

Доз. Ценз. Тифлисъ, 17-го Марта 1888 года
Тип. М. Вартанянца, Тройц. пер. домъ № 11



ՈՒԽՏԱԿԱՏՈՐՈՒԹԻՒՆ

ԵՒ

ՈՒԽՏԱԴՐՈՒԹԻՒՆ



գոստոս ամսին՝ մի շաբաթ առաւօտ՝ Նախշովար ծխատէր քահանան Տէր Պետրոսը, առաւօտեան ժամերգութիւնն ու կից պատարագն աւմբրտելուց յետոյ, մի համառօտ ծանուցումով յայտնեց ժողովրդին, թէ միւս օրը Աստուածածնի վերափոխման տօնն է, պատարագը պէտք է լինի Բերդի Ս. Աստուածածնի եկեղեցումը, ուր պիտի օրհնուի եւ խաղողը:

Այս լուրը թէպէտ մի անսովոր լուր չէր,
բայց մեծ տպաւորութիւն գործեց լսողների
վերայ, եւ ամենքը սրաի մոռօք մի մի ինսդրու-
ուածք ուզգեցին գէպի բերդի Ս. Աստուա-
ծածինը. . .

Երբ որ եկեղեցուց գուրս եկած տուն էր
գնում տէր հայրը, նրա հետքից գնում էր մի
պատանի, որ ինչպէս երեւում էր ձեռքում
բռնած հաբիգայից, որի մէջ դրուած էին
տէր հօր մաշտոցն ու մասնատուիլը, տէրտէ-
րի մոնթն էր, այսինքն աշակերտը եւ փոքրիկ
տիրացուն. Արութիւն էր նրա անունը, (եւ ոչ
Յարութիւն), ինչպէս շատերը կոչում էին նո-
րան սխալմամբ):

Արութիւնը այս գիւղից ըլլինելով՝ շատ
ուրախ էր, որ միւս օրը իւր աղդականներից
շատերը մօտակայ գիւղերից կը գան ուխտ, եւ
նրանց կը տեսնի: Զը կարողանալով անտարբեր
մնալ մի այսպիսի ուրախ րոպէում, պատանի
Արութիւնը մօտեցաւ տէրտէրին եւ մանկական
ժպտով հարցրեց.

— Տէրտէր, էգուց էլ, ամէն տարուայ նը-
ման՝ շատ տեղերից ուխտաւորներ կը գան, չէ՞:

Տէր հայրը փոխանակ լեզուով պատաս-
խանելու, գլխով արաւ, որովհետեւ նա իր
կիսատ թողած սաղմոսներն էր մոքումը մօր-
մընջում, բայց Արութիւնին այդքանն էլ բա-
ւական էր: Նա իսկոյն մի ուրիշ ճանապարհով
վագեց մինչեւ տուն, որ մի ըոպէ առաջ յայտնէ
միւս երեխաներին, թէ ինչքան ուրախ է ինքը...

Միւս օրը՝ կիւրակի առաւտուուն՝ կարելի
էր տեսնել ուխտաւորների մեծ բազմութիւն:

Նամշովդու եռանկիւնի բերդը, որի հիմ-
նարկութեան ժամանակը պատմութիւնը տալիս
է Նայկ գիւղազնի որդուն՝ Քարթլոս նահա-
պետին, ընկած է մէջ տեղը Խրամ եւ Ճավճակ
ասուած գետերի, որոնք իրանց խառնուրդով
պատում են բերդի երեք կողմից անդնդաձեւ
ընական պարխապներով: Բերդի արեւմտեան
կողմից միայն՝ կիսով չափ փլած հաստ պատի
մէջ տեղով՝ բացած էր մի մեծ դուռն, որով
ներս էին մտնում ջերմեռանդ ուխտաւորները
և հաւաքվում Աստուածնի դռանք:

Այս եղեղեցին մի փոքրիկ մատուռաձեւ
շինութիւն է, եւ ներսը աւագ կողմին կագ-
նեցրած է մի սեւագոյն բաւականին լայն ու

Երկայն որձաքար: Քարի վերայ եղած արձանագրութեան խօսքով՝ նա անուանվում է «Զուհար խաչ», եւ շինած է Սմբատ իշխանի ձեռով մեզանից մի հազար տարի առաջ, բայց ժողովրդի մէջ եղած աւանդութիւնը այդ քարին տալիս է հրաշալի ծագումն: «Այդ քարը բուսել է ինքն իրան, ասում է աւանդութիւնը, եւ սկսել է օրէցօր երկայնանալ: Ուղինալով իւր նշանակութիւնը յայտնել ժողովրդին, մէկին երեւացել է երազումը եւ ասել է նրան՝ «Եթէ ինձ վերայ եկեղեցի չէք շինիլ, ես այնքան կը բարձրանամ, որ գլուխս կը համնի մինչեւ երկինք»... Երազատեսը պատմել է ժողովրդին, եւ ժողովուրդն էլ վախենալով թէ մի գուցէ՝ ճշմարիտ՝ ասածի չափ բաշճանայ եւ ժամանակով վայր ընկնի իրանց գլուխն, շտապել են եկեղեցին շինել, եւ քարը դադարեցրել է իր երկայնանալը»:

Մի կողմից տղայ ու աղջիկ, հարսն ու երիտաստրդ, պառաւ ու ծեր՝ միմեանց սեղմելով մոմեր էին վառում յիշած քարի վերայ, միւս կողմից տէր հայրը կատարում էր պատարագի սրբազն արարողութիւնը: Խոկ Արու-

թիւնը՝ բուրվառը ձեռին՝ համ սարկաւագութիւն էր անում, համ վառուսած մոմերն էր պոկոտում գցում ջրով դրած ամանի մէջը. . .

Պատարագն աւարտելուց յետոյ եկեղեցուց դուրս եկան տէրտէրն ու տիրացուները խաչով, խաչվառով, եւ դուրսը կատարեցին խացողի օրհնութիւնը:

Այս ընդարձակ տեղը, պարզ երկնքի կամարի տակ կարելի էր տեսնել այժմ բազմաթիւ հոգիք, ամենքն էլ, որքան կարելի էր նրանց, մաքուր հագնուած: Առցեւը կանգնած էին տղամարդիկ, իսկ նրանց քամակին կանայք, որոնք իրանց տեսակ տեսակ հագուստով հովիտի ծաղկունքների էին նմանում: Բոլոր գիւղացիք գաղթական ժողովուրդ լինելով, ով գիտէ, որ գիւղը որտեղից եկած, ամենքն էլ պահպանել էին իրանց բուն հայրենիքի հագուստի տարազը: Նատ կանանց բերան փաթաթած էր սպիտակ տար ու բեր ով, երեսներին զանդրուկ գցած, երեսի երկու կողմից յուղունքաշար հար սան ու ց կապած, ճակատներին շարք, որինն արծաթէ եւ որինը ոսկէ. շարքի մէջ տեղը՝ ջնադաղ:

քերին ու բազուկներին ձուաձեւ արծաթէ կոճակներ. հագներին՝ որինը մին թանա, ուրինը դէրիա եւ որինը քաթիբա: Նատերի բերանը բաց էր եւ գլուխը շինան վրացնակ. նշանած ու նշնելու աղջկէրքը, նորահարս ու միջահաս կանայք որոշվում էին միմեանցից իրանց հագուստով: Կային եւ սպիտակ հագած կանայք, շինքներին ու բիլակներին կապած արծաթ գրամներ եւ կլորցրած մեղրամոմեր: Դրանք Աստուածածնի աղախիններն էին, եւ ասլում էին «խաչի զուլ», այսինքն սուրբի գերի: Տղամարդիկ հագուստի կողմանէ շատ նման էին միմեանց, — միեւնոյն ձեւի դաշոյնը կապած ունէին ամենքը եւ միեւնոյն ձեւի տրեխները հագած բոլորը. . .

Բայց էլի մի կողմից անընդհատ գալիս էին նոր նոր ուխտատրներ, որը մի աքաղակ՝ ոտերը կապած ձեւին, որը մի քանի ջուխտ տանը ոլորած մոմ, ձեռնախայտի վերայ թերլով փաթաթած, ուսին դրած, կամ փափախի զաթը խրած՝ շտափում էին դէպի եկեղեցին, ուր մոնում, վառում էին թէ չէ՝ Արութիւնը հասնում էր խոկոյն ու վառած մոմերը պո-

կոսում գցում ջռւրը: Նատերին դիւր չէր գալիս, որ մոմերն այսպէս շուտով հանգցնում էին, եւ բարկանալով ասում էին.

— Օրչնուած, էս ի՞նչ բան է, որ դու անում ես. թող մի քիչ էրուի է. . .

Վնաս չունի, պատամխանում էր Արութիւնը, էս մոմերն էլի ժամումը պիտի էրուին, սրանց վարձքը էլի ձեր մեռելների հոգուն կերթայ. . . Հապա ուրիշ տեղեր չէք տեսել, որ ողջ ողջ աքլարներն ու ոչխարները ուխտաւորների ձեռներիցը խլում են. մենք խօմ էնպէս չենք անում. . . Մի վախենաք, էս մոմերն էլի ձեր մեռելների հոգու համար պիտի էրուին» . . . Այս տեսակ խօսքերով նրանց սիրտը շահում էր պարզամիտ Արութիւնը, նրանք էլ հաւատալով՝ դուրս էին գալիս մի ջերմեռանդ աղօթք անելուց յետոյ:

Կերջապէս հոգեւոր արարողութիւնն աւարտեցաւ, ամենքն էլ քաշուեցան ծառերի տակը, մատաղները մորթոտեցին, կրակները վառութեցին եւ բարեկամ բարեկամի գտնելով, ծանօթ ծանօթի, կազմեցին բազմաթիւ խրնջոյքներ: Տէր հօրն ու Արութիւնին էլ հրա-

Վիրեցին մի սեղանի վրայ, ուր հաւաքուած էին մինչեւ տասը-քսան գերդաստան, բոլորն էլ զանազան գեղերից, բայց ամենքն էլ մի-մեանց մօտիկ բարեկամ: Աղջկերքն ածում էին գահիրա-նազարան եւ պարում, աշըզ Մակ-ջութին ու իր աշակերտ Զուկային էլ իրանց սսպի ու քեամսնչի ձայները խառնում էին նազարի գմբգմբոցի հետ, եւ երբ աղջկերանց պար գալն ընդհատվում էր, երգում էին Հայերէն եւ թուրքերէն տեսակ տեսակ խա-ղեր: Ամենքի երեսին դրոշմուած էր ուրախու-թեան գծագիրը, ամենքի շրթունքների վերայ երեւում էր մի քաղցր ժպիտ: Սուփրան լիքն էր սպիտակ փափուկ հացերով, կաթնահունց նազուքներով, պանիրով եւ մատաղի խաշա-մով ու խորովածով: Գինին այնքան շատ չէր, բայց էլի այնքան կար, որ երգ չըգիտցողին անգամ երգել էր տալիս: Ով ինչ խաղ գի-տէր, ասում էր, չընայած որ արդէն խաղ ասող աշըզ ունէին: Կերջը խնդրեցին տէր հօ-րը, որ նա մի տաղ ասել տար Արութիւնին, որին արդէն շրջապատել էին իր մօտաւոր աղքականուհիքը եւ փոխ առ փոխ գգվում

ու համբուրում էին իբրեւ մի փոքրիկ մանուկի:
—Ասա, քե մատաղ, ասա, խի՞ ես ա-
մանչում, դու մեր Աւետքի տղին չես. . . նա մի
մարդ ա որ, խաղ ասելում հարիւր աշըզ կը-
դնի ջէբը. . . Ագա Մանուէլ, վեր կաց գնա
էրեխի կշտին նստի, որ ձայն սպահես. . .

Այս խօսքերն ասողը մի քէթխուգա մարդ-
էր, իսկ Մանուէլ՝ նրա որդին, որ Արութիւ-
նին հասակակից մի պատանի էր, բայց աւելի
առոյգ, քան թէ Արութիւնը, որ բաւականին
նիշար եւ տկար-առողջ էր:

Տեսնելով, որ տաղ տաելիս մի ուրիշ ըն-
կեր պիտի ունենայ, Արութիւնի սիրոն ահ
ընկաւ, թէ ըրյինի, որ իւր անծանօթ Մանուէլը
աւելի լաւ ձայն ունենայ քան թէ ինքը, այդ
ովառնառով երբ որ Մանուէլը եկաւ նրա մօտ
նստեց, Արութիւնը նրա տեղը պարզ քաղա-
քալարութեամբ լայնացնելուց յետոյ՝ ասաց.

—Դու ասա, ես ձայն կըպահեմ:

—Ես տաղ չեմ գիտում, պատասխանեց
Մանուէլը:

Աերջապէս երբ որ «ասա, քե մատաղ,
ասա», կրկնեցին ամեն կողմից ու տէրտէրն

Էլ հրամայեց, ծունկ չոքեց Արութիւնը, որին հետեւեց եւ Մանուէլը, եւ երգեց «Խնկին ծառին նման ես» տաղը, վերջումն աւելացնելով «Անժառամ ծաղիկ» շարականը:

— Ապրես, ապրես, Աստուած քո հօրն ու մօրը բաշխի, ձայն տուին մարդիկը հիանալով նրա քաղցր ձայնից:

— Երնէկ քո մօր աչքերին, լալում էր կանանց միջից. . . Մանուէլն էլ իր վերայ մի քաղցր տպաւրութիւն զգալով, սկսեց աւելի մօտ մօտենալ Արութիւնին ու մի զմայլմունքի անմեղ ժպիտ բերանին՝ զանազան հարցմունքներ անել: Այսպէս մի քանի տաղ եւս ասել տուին Արութիւնին, մինչեւ նօբաթը հասաւ զուռնաչի ծականին, որ իր սիրելի զուռնան վչեց թէ չէ՝ մեր պատանիքն ազատութիւն ստացան, վեր կացան սուվիրիցը եւ ձեռք ձեռքի տուած սկսեցին ման գալ բերդի մէջ:

— Ես գեռ չեմ էլած էստեղ, ի՞նչ գեղեցիկ տեղ է, էս ի՞նչքան մրգի ծառեր կան, տանձ, խնձոր, կասենաս այգի լինի: Ես որ մեր գեղումը լինի, մէկ հատ չեն թողնիլ ծառի վերայ, բոլորն էլ խակ խակ կրթալանեն,

ասաց Մանուէլը, երբ որ մի քիչ հեռացել էին խնջոյքից:

— Էստեղ էլ չեն թողնիլ, բայց Մովրովն արգելել է, ոչ ոք չի կարող մէկ հատ պոկիլ. գեղի բաղերումը պատահում է գողութիւն, բայց էստեղ ոչ ոք չի համարձակիլ մի հատ պտուղ գջել, Մովրովն իսկոյն կը գանգատուի խաչին, եւ խաջը կըպատժէ գողին:

— Մովրովն ով է.

— Մովրովը խաչի զուկն է, թասի մոտիկ տուռող մի կնիկ է. հրէն այ, էնտեղ է կենում իրա մարդի հետ:

— Էն խոտով ծածկած տանը:

— Հա:

— Ամառ ձմեռ:

— Հա:

— Բա նրանց տուն չունեն, տեղ չունեն:

— Տուն տեղ ունեն, Կախէթումն է: Ասում են խաջը թոյլ չի տալիս, որ մենք մեր տանը կենանք, ասում է՝ «իմ զուլն էք, պիտի իմ տակին կենաք»: Էս տեղերն էլ ասում են՝ խաչինն է: Դրա համար՝ էլ գեղա-

ցեք վախամ են խաչիցը, ինչ որ ուզում է
Մոլովվը՝ տալիս են:

— Հա. . . Բա տէրտէրն ի՞նչ է ասում:

— Մեր տէրտէրն էլ է վախում: Ինչ որ
էրի-մորթի է սուանում, մեծ մասը նրանց է
է տալիս. ասում է «Երկիւզալի է, խաչին կը
գանգատուին»:

— Հա. . . Ասում են էդ տէրտէրը շատ
գիտուն մարդ է. էրնէկ ես էլ դրա աշկերտը
լինէի: Արութիւն, խօմ չի ծեծում քեզ:

— Ո՛չ. ահա չորս տարի է ես դրա մօտ
եմ, դեռ ոչ մի անգամ մատով գիտած չէ ինձ:

— Ի՞նչ լաւ մարդ է: Ի՞նչ է սորվեց-
նում քեզ:

— Հին ու նոր Կտակարան, Նարական,
Քերականութիւն, Աստուածաբանովթիւն, էլի
ուրիշ հազար ու մի բան. . .

— Ո՛ւհ, էդ բոլորն էլ գիտես:

— Ի՞նչպէս չէ: Ես շարադրութիւն էլ եմ
անում, ոտանաւորներ էլ եմ գրում:

— Հա... Բացագանչեց Մանուկը, առանց
հասկանալու, թէ ինչ բան է շարադրութիւնը
կամ ոտանտորը, բայց այդ չըգիտենալը նը-

րան աւելի զարմացրեց եւ համոզեց, որ Արու-
թիւնը մի չնաշխարհիկ բան է, եւ նրա ձայնն
ու գիտութիւնը երկնային մի ձիբք:

— Այստեղ ով է կենում, հարցրեց Մա-
նուկը ձեռքը մեկնելով դէպի մի փոքրիկ խուզ:

— Այստեղ էլ մի հիւանդ մարդ է կե-
նում իրա կնկայ հետ:

— Ի՞նչով է հիւանդ:

— Ոտներից սկսած մինչեւ դօտկատեղը
չորացած է: Մոլովվ թասին մտիկ է տուել,
ասել է «մեր խաչիցն է, պիտի սրա տակին
օխոր տարի կենաս, որ պրծնես» . . .

— Երեւի խաչին բարկացրել էդ մարդը:

— Հա: Ասում են դա մի թերահաւատ
մարդ է էլել, խաչի չի էլել հաւատալիս: Մէկ
օր մի հարս նղաւել է, ու սկսել է դրան
սպառնալիք տալ խաչի բերանից, դա էլ բար-
կացել է, բռնել է հարսի մազերիցը քաշքանել,
ասել է՝ «դու սատանութիւն ես անում, քեզ
խաջը չէ խօսացնում»: Սրա վերայ Խաչը բար-
կացել է ու դրան էդպէս պատժել:

— Հա. . . մեռնեմ խաչի ողորմութիւնին,
իմ երեսս դրա ոտի տակը. . . ասաց Մանուկը

Երկիւլից ավրթնելով եւ երեսին խաչ անելով, եւ սկսեցին աւելի հեռանալ մինչեւ հասան Խրամի ձորափր:

— Արի էստեղ մի քիչ նստենք, Արութիւն, ասաց Մանուէլը:

— Ոչ, Մանուէլ, գնանք տեսնում ես էն մէկմէկու վերայ դրուած երեք քարերը, գընանք նրանց վերայ նստենք. . .

— Ո՛չ, էս ի՞նչպէս են իրար վերայ դրել էս ահագին քարերը. . .

— Սրանց համար ասում են՝ «երկու եղբայր են եղել, մէկ էլ մէկ քոյր են ունեցել»: Երկու եղբայրները երկուսով ներքեւի երկու քարը իրար վերայ են դրել, երրորդը չեն կարացել. յետոյ իրանց քոյրը եկել է մի ձեռով վերցրել դրել դրանց վերայ. . .

— Ո՛չ, ի՞նչքան ուժով է եղել. . . ով գիտէ, որ երեք գիւղ հաւաքուեն մեծով փոքրով, էլի չըկարենան տեղիցը շարժել:

Մեր պատանիքը վեր բարձրացան, նստեցան երեք քարի վերայ եւ սկսեցին նայել իրանց առաջով լնկած ամսդնդաձեւ խորութեան

վերայ, որի միջով Խրամ գետը փրփուրն երեսին գնում էր վշալով. . .

— Տեսնում ես ինչ լաւ տեղ է, ասաց Արութիւնը, ձեռը մեկնելով գէպի Խրամի պատերը: Ահա էն քարքարուտ տեղը լիքն է նրոնով ու թզնով, բայց ոչ պք չի կարող գնալ քաղելու, ճանապարհ չըկայ: Տեսնում ես էն ծակերը, նրանք զաղէք են (քարայրեր), աչ ժամանակներին նրանցում մարդիկ են էլել կենալիս, երեւի առաջ հեշտ է էլել էղպէս տեղեր բարձրանալը: Հիմի էլ, ով որ քաջ քարագնաց է, կարողանում է գնալ էղպէս տեղերը: Ասում են՝ շատ անգամ արծաթ, պղինձ, հին գրուածքներ շատ են գտնում դրանցում. . .

— Բայց որ մէկը վէր ընկնի էդ ահագին բարձրութիւնից, ով գիտէ մեծ պատառն ականջը մնայ: Մի բան ասե՞մ, Արութիւն. Էստեղ ամեն ինչ զարհութելի է: Մի կողմից էս անդունդները, էս աւերակ վանքերը, էս ահագին բուրգերը, որ ով գիտէ քաջքերով լիքըն են բոլորն էլ, մէկ էլ կողմից էդ թասի մոդիկ տուող կնիկը: Եթէ նա ամեն դարտակ բանի համար պայման գտնաւառի, խաչն էլ



ում ասես՝ կըպատժի։ Դու պէտք է զգոյշ կենաս, էդ կնկանը չը ջգրացնես. . .

— Խչու պիտի ջգրացնեմ։ Նա ինձ շատ սիրում է։ Անցեալ օրը կանչեց ինձ, թուշից պաշեց, ու թէ՝ «ես ձեր գեղումն էի, քու մէրն ասեց՝ որ գնաս, իմ տեղակ երեխսիս թուշիցը կըպաչես»։ Ես էլ նրա ծծիցը պաշեցի, յետոյ ասեցի՝ «դէզի, մէկ ինձ համար էլ մտիկ տաս թափի գ»։ Նա թէ՝ «շատ լաւ»։ Վեր կալաւ թասը, ջրով լքյուց, թասի պըռունկներին երկու մոմ վառեց ու սկսեց մըտիկ տալ։ Մի քիչ պրկշտոտաց, գլուխը թափ տուեց, մտածեց, յետոյ ծիծաղեց, թէ՝ «լաւ, լաւ, շատ լաւ բախտ ունիս։ Տէրտէր կըդառնաս, բայց կնիկդ կըմեռնի, կերթաս վարդապետ կըդառնաս, յետոյ եալիսկոպոս կըդառնաս, յետոյ կաթող. . .» ուղեց թէ ասել էր, կաթողիկոս կըդառնաս, մէկ էլ խօսքը փոխեց, թէ՝ «չէ, դու տէրտէր չես դառնալ, քո մօր սրտինը չի կատարուիլ, ձեր տանը քեզ կատեն, դու կերթաս հեռու աշխարհքներ, բայց Աստուած քեզ չի կորցնիլ, դու էլի յետ կըդասս ու անուանի մարդ կըդառնաս»։ Էս ասեց ու

սուս կացաւ, մէկ էլ թէ՝ «Ես քլինի, Էն կըլինի, Էն քլինի, Էս կըլինի» . . . Ես հիմի քրդիտեմ, թէ որը պիտի լինի։

— Էլ դրա համար ինչու ես մտածում, նրա ասած՝ կամ Էս կըլինի, կամ Էն։ Ես իմ բախտին չեմ մտիկ տալ տուած, բայց հայրս ասում է՝ «Քեզ պիտի տէրտէր օրհնիլ տամ»։ Ինձ հիմի մեր գեղի տէրտէրի տղան է գիր սորվեցնում, ամեն օր ծեծում է, բայց ես ձեռք չեմ վերցնում։ Հայրս ասում է՝ «Մի քիչ համբերի. Ես քեզ էդ խոզարածի ձեռիցը կազատեմ, կըտանեմ քաղաք, Էնտեղ լաւ կըսորվեցնեն» . . .

— Երանի՞ քեզ, Մանուէլ, կերթաս քաղաքը կըտեննես։ Իմ քոյրն էնտեղ է մարդի տուած, բայց ես չեմ տեսել . . .

— Էդ լաւ է։ Իմ քոյրն էլ է էնտեղ։ Հօրըդ ասա, թող քեզ էլ բերի քաղաք։ Ասում են՝ քաղքի տղէքը շատ չար տղէք են, գեղացի երեխանցը ծեծում են, մենք որ միասին լինենք, մեզ ովկ կարող է ձեռք տալ։ Արովթիւն ջան, արի ընկեր դառնանք, ես իմ օրումը քեզ մոիցս չեմ գցի։

— Եղ շատ լաւառեցիր, Մանուչէլ ջամ, ես
դեռ իմ օրումս ոչ մի ընկեր չեմ ունեցել.
մեր գեղումը մենակ էի կարդում, էստեղ էլ
մենակ եմ կարդում. միրտս շատ է ուզեցել,
որ մի ընկեր ունենամ, բայց չեմ ունեցել:
Աւր էր, եթէ Աստուած տայ, մենք միասին
լինենք, ես ինչ որ գիտեմ, բոլորն էլ քեզ կը
սովորեցնեմ:

Ինչպէս Արութիւնի, նոյնապէս եւ Մա-
նուչի սրտի մէջ ընկերսիրութեան զգացմուն-
քը սաստիկ վառ էր, բայց նրանց լեզուն դեռ
եւս տկար էր այդ զգացմունքի յայտարարը
լինելու համար: Նրանց երկար քնքուշ խօսակ-
ցութեան հետեւանքն այն եղաւ վերջապէս,
որ բոլորովին վերացեալ հոգւով իրանց գըլ-
խըներից մի մի մազ պոկեցին, եւ իրար հետ
փաթաթելով՝ թաղեցին երեք-քարի տակին, ա-
ռանց մի բան ասելու, բայց կարծես իւրա-
քանչիւրի սիրտը հետագայ խօսքերն էր բար-
քաւում: «Մեր ընկերսիրութեան ուխտը պի-
տի անխզելի մնայ մինչեւ այն օրը, երբ մեզ
էլ այս փաթոյթի պէս կըթաղին հողումը:
Յետոյ վեր կացան եւ քայլեցին դէպի իրանց

գերդաստանը, երբ Արութիւնը սկսեց բնագդ-
մամբ երգել հրեշտակային ձայնով Շնորհալու
երգերից հետագայ տունը.

Սիրոյ քո հուր արկեալ յերկիր,
Բորբոքեսցի ի հոգիս մեր,
Զխորհուրդ սրտից մեր մաքրեսցէ,
Զլոյս գիտութեան քո փայլեսցէ,
Ի քնոյ մահսւ զմեզ զարթուացէ,
Զմիսս բոցով քով վառեսցէ. . .





Բ.

ԿԵՆՍՍԳՐՈՒԹԻՒՆ

բութիւնը ծը-
նուել է Թիֆ-
լիքի մօտա-
կայ Խաչէն
անուանեալ
գիւղումը:
Սնցեալ դա-
րի վերջերից
սկսած մինչեւ
ներկայ դարուա-
սկզբները Լարաբա-
ղից շատ հայեր գաղթեցին
դէպի ամեն կողմ, դրան-
ցից մէկ հատուած էլ Խաչէնու մհակից եկաւ
եւ Բօնսու ձորումը հաստատեց իր բնակու-

թիւնը, որտեղից դարձեալ սկսեցին ցրուել.
մի քանի տուն միայն գնացին շէնացրին մի
հին գեղատեղ, եւ ի յիշատակ իրանց հայրե-
նիքի՝ Խաչէնու, նոր գիւղի անունը դրին Խա-
չէն։ Մի կողմ դնելով պատմական ու աշխար-
հագրական նիւթը, որ մեր խօսակցութեան
թել շատ չերկարանայ, մենք խօսինք միայն
այն անձանց վերայ, որոնք որ եւ իցէ կեր-
պով ազգեցութիւն են ունեցել Արութիւնի
կեանքի վերայ մինչեւ այն օրը, որ օր որ պա-
տահեցանք մենք նրան։

Արութիւնի մայրը՝ Հռիփսիմէն, որի տոհ-
մումը ժառանգական կերպով շարունակվում
էր քահանայութիւնը, ցանկանում էր որ ինքն
էլ քահանայ որդի ունենայ։ Այս իսկ պատ-
ճառով Արութիւնի ծննդեան քառասունքը կա-
տարելուց յետոյ, երբ Հռիփսիմէն գնաց ժամ
նորածին մանկան համար կեանք մաղթելու,
Արութիւնի պորտն ամփոփեց եկեղեցու պա-
տի մէջ եւ մի ջերմեռանդ աղօթքով նրա
կեանքի տնտեսութիւնը յանձնեց Աստծուն եւ
նորա սուրբերին։

Փոքրիկ Թիւնին հինգ տարեկան դառած

ըլդառած՝ մայրը տարաւ նրան եւ յանձնեց Տէր Ղուկասի աղջկանը՝ Մանիշակին, որ գրագիտութեան մէջ մի գիւղական տիրացուկոց պակաս չէր:

Արութիւնը հազար անգամ լսած լինելով իւր մօրից, որ նա գիր պիտի սովորի, կարծում էր, թէ այդ մի շատ քաղցր բան պէտք է լինի, ուստի ինքն եւս շտապում էր, որ մի օր առաջ վայելէր իր երազած չիր ու չամիզը:

Մեծ պահի առաջին երեք շաբթի օրը նա արդէն փափախը վերցրած եւ Մանիշակի առջեւ չոքած՝ սովորում էր «Յանուն Հօրը» եւ «Խաչ, օգնեա ինձ» ասելը: Այս դժուար չը թուաց Արութիւնին՝ առաջուց սովորած լինելով իւր մօրից, եւ ոչ այր, բեն, գիմ ասելը դժուարացաւ, որ իր սուր յիշողութեան շնորհիւ խաղի պէս սովորել էր առանց նրանց պատկերը տեսնելու, բայց երբ որ Մանիշակը երկու մատի մէջ առաւ այս եւ այն գիրը եւ ստիպեց Արութիւնին, որ ճանաչէ, այս այնքան դժուար թուաց Արութիւնին եւ անհնարին մի բան, որ երբ գնաց տուն ճաշելու, եւ

չուզեց վերադառնալ դէպի այբ-բենը: Այդ նկատեց մայրը եւ իսկոյն լուծիցը մի սամի հանեց, որ Արութիւնին մի լաւ խրատէ, բայց Արութիւնն աղաչեց մօրը, որ լքնեծէ: Կերթամ, կերթամ, ասաց. Մանիշակը լաւ է քեզանից, նա ինձ չի ծեծիլ:

Եւ ճշմարիտ՝ այնուհետեւ էլ փախչելու մասին չըմուածեց Արութիւնը եւ հարկադրուեցաւ սովորել ամբողջ հեգարանը, որ երբ աւարտեց, Մանիշակը կապուտեց Արութիւնի ոտները եւ ապսպրեց Հռիփսիմէին, որ գայ իր որդու ոտներն արձակէ:

Հռիփսիմէին այդ սովորութիւնը ծանօթ լինելով՝ շտապեց իր որդու վարժուհու մօտ եւ խոստացաւ նրան մի ճոխ սեղան: Միւս օրը պատրաստեց իւղակի թխուածք, հալուա, հաւ, մրգեղէն ու գինի: Այդ բոլորը մի մեծ խոնչում դարսած՝ դրաւ ուսին, գաւով գինին էլ տուաւ Արութիւնի ձեռքը, տարաւ Մանիշակին ու յայտնեց նրան իր անկեղծ շնորհակալութիւնը:

Մանիշակը շատ գովեց Արութիւնի սրամտութիւնը, խոստացաւ շուտով սովորեցնել ժա-

մագիրքը եւ գիր գրելը։ Մանիշակն իր խօսքը կատարեց։ Արութիւնը բոլոր ժամագիրքն աւարտեց, էլ մի հատ ալէլուիա ըլթողեց, բոլորն էլ անգիր արաւ, բայց Մանիշակը էլ ըրկապոտեց Արութիւնի ուները, որովհետեւ էլ ուրիշ սովորեցնելու գիրը չունէր։ Ժամագիրքն էլ ող գիտէ ո՞ր քունջ ու պուճախից էին դտել։ Դա մի պապական ժառանգութիւն էր Հռիփսիմէի հօրանց տանը մնայած, մի քանի անգամ կազմած, մէջէմէջ պակասած տեղերը կազմարարների ձեռքով գրուած։ Բայց Արութիւնի ձեռքումը բոլորովին քրքրուեցաւ եւ նա էլ տարաւ թաղեց մի տեղ, հաւատալով շատերի կատակով ասածին, թէ՝ «գիրքը որ թաղես, նրանում ինչ որ կայ, կըթաղովի մոքումդ, էլ յետ չի գուրս գալ» . . .

Զարմանալի պարզամիտ էր Արութիւնը։ Նա ունէր շատ սուր յիշողութիւն, իր ըշասկացած երկար ազօթքներն ու սազմոնները շատ հեշտութեամբ անգիր էր անում, նմանապէս եւ ամեն մի լսած խաղ, երգ, թէկուզ լինէր թուրքերէն, պարսկերէն, կամ զանազան լեզուների մի խառնուրդ, նրա համար

միեւնոյն էր, բառ առ բառ դասաւորվում էին նրա մնաքումը. այսպէս եւ ամեն մի լսած առակ, հէքիաթ։ Խնչպէս որ ունէր սուր յիշողութիւն, նոյնպէս ունէր եւ իւր յիշողութիւնն ամբարելու մի անկուշտ փափաք։ Բայց գալով նրա դատողութեանը, նրա խելքին, շատ միամիտ էր։ Իր հասակակից բոլոր երեխայքը նրանից խելօք էին. նրանք դատելու, հաւանելու, ցըշաւանելու, ընտրելու, մերժելու յատկութիւն ունէին։ Բայց պէտք է ասենք, որ Արութիւնի յիմարութիւնը մի բախտաւորութիւն էր եւ ոչ անբախտութիւն։ Ուսումնատուութեան այդ բարբարոս եւ խաւար ժամանակը ոչ մի խելօք երեխայ գիր չէր սովորում, նրա խելքումը չէր մննում, նրա խելքը հակառակում էր, թէ եւ բնազդմամբ, որ այդ ձեւով սովորել անհնարին է։ Այդ պատճառով այդ յիմար ձեւի տակ ընկճվում էին մէկ այն երեխաները, որոնք լինում էին դատողութիւնից զուրկ, խեղճ եւ միամիտ, եւ մէկ էլ այն երեխաները, որոնք կարգէ դուրս յիշողութիւն էին ունենում։

Արութիւնը բախտաւոր էր եւ այն կող-

մից, որ նա յընկաւ կոպիտ խալիփաների ձեռք, այլ Մանիշակի, որ շատ քնքուշ մի էակ էր: Նա սիրեց Արութիւնին մօրից առաւել: ծշմարիտ է, Մանիշակի քնքավթիւնը Արութիւնին աւելի եւս քնքացրեց եւ շինեց մի անմեղ գառն գայլերի մէջ, բայց եւ շատերի աչքն էր ընկնում նա իբրեւ մի անսովոր շնորհալի երեխայ:

Սյսպէս երբ որ Արութիւնը տասը տարեկան էր տրդէն, մէկ անգամ Շամշուլդունորնծայ տէր Պետրոս քահանան եկաւ Խաչէն եւ իջաւ Արութիւնի հօր՝ Աւետիքի մօտ: Տէր Հայրը իւր ուսումն ստացել էր Սանահնի վանքում, ուր նրա ժամանակ մի քանի գիտուն վարդապետներ կային: Սա տեսաւ Արութիւնին, տեսաւ նրա ժամասացութիւնը, գրալարժութիւնը, ձայնի յաջողակութիւնը եւ շատ հաւանեց, համարելով նրան մի ինքնաբոյս ծաղիկ Խաչէնի անսապատում: Ինքն իրան մի հանճարաւոր մանկավարժ կարծելով Արութիւնի երեսի գծագրութիւնը համեմատեց Եփիմէրտէի գիմազննական բացատրութիւնների հետ ու եղրակացրեց, որ նա մի անսովոր ընդու-

նակութեան տէր տղայ պէտք է լինի, ուստի ինքն առաջարկեց Աւետրին, որ Արութիւնի կրթութեան շարունակութիւնը իրան յանձնէ:

Աւետիքը ուրախութեամբ կատարեց տէր հօր առաջարկութիւր, որովհետեւ իւր ծանօթ քահանաներից ամենից բարձր էր Համարում նրան թէ վարք ու բարքի եւ թէ գիտութեան կողմից: Եւ այդպէս էլ էր: Հռիփախմէի ուրախութեանն եւս չափ ու սահման ըրկար, թէեւ մի կողմից նրա մայրական զգացմունքը՝ կարօտելու մասին՝ տրորվում էին:

Սյսպէս ահա Արութիւնը մի նոր վարժապետ ունեցաւ, որի մօտ ստացաւ վանական ուսումն, Աստուածաշունչ, Շարական, Քրիստոնէական վարդապետութիւն, քերականութիւն: Իսկ ազատ կարդալու գրքերն էին՝ Հարանց վարք, Սյսմաւուրք, Պղնձէ քաղաքի պատմութիւն, Եօթն իմաստափրաց գիրքը, Տաթեւացու հատորները, եւ ուրիշ զանազան բարոյական ըրվանդակութիւն ունեցող գրքեր: Սյսպէս լրացաւ երեք տարին, եւ տէր հայրն ասաց, որ էլ բան չի թողել, բոլորն էլ սովորեցրել է Արութիւնին: Եւ ճշմարիտ տէր հայրը ծոյլ

չէր բան սովորեցնելումը: Նա ուզում էր մի լաւ աշակերտ թողնել իրանից յետոյ իբրև յիշատակ, եւ այդպէս էլ նայում էր Արութիւնի վերայ: Ոչ մի բան չէր ծածկում նրանից եւ ամեն բան, ինչ որ գիտէր, սովորեցնում էր: Նա գիտէր գերեզմանի քար գրել, կազմարարութիւն, այդ էլ սովորեցրեց Արութիւնին: Վերջը, երբ ամեն բան հատաւ, երբ սովորեցրել էր նաեւ մատնատումարս, ճիւղագրութիւն անելու ձեւը, ինչ որ իւր կեանքումը մի հէքիաթ, առակ, հանելուկ ու առած էր լսել, բոլորն էլ ասել էր Արութիւնին, այնուհետեւ սկսեց մի այնպիսի բան սովորեցնել, որ ինքն էլ պիտի նոր սովորէր. դա էր Ալբերտի Աստուածաբանութիւնը, որ պիտի ըմբռնէր տասներեք տարեկան երեխան: Միայն Արութիւնը չէր, որ իբրև մանուկ, շատ միամիտ էր, նրա վարժապետը, որ յիսուն տարեկան մարդ էր, նրանից աւելի միամիտ էր:

Ալբերտի Աստուածաբանութեան սովորելը պէտք է հիմնուէր մի շատ առաքինի վարք ու բարքի վերայ եւ Սուրբ Կոսին պէտք էր միջնորդ ունենալ, ինչպէս սկզբու-

մը մի ոտանաւորի մէջ ասում է . . . Նաեւ յաւէտ ազօթեսցես, Զկոյսն միջնորդ քեզ արացես Ոչինչ շնորհ ինչ լիցի քեզ, Թէ Կոյսն իցէ առ քեզ անտես, այս պատճառով Արութիւնի խաչ ու Աւետարանը գարձաւ Աստուածածնի միակ պատկերը, որի առջեւ ստէպ ստէպ ծունկ չոքելով՝ միշտ այս էր կրկնում: — «Դու, ով Ծիրամայր, գու, որ բժամիտ Ալբերտին տուել ես այնպիսի հիանալի շնորհք, ինձ էլ տուր» . . . Արութիւնի հոգին վերանում էր Աստուածածնի պատկերի առջեւ եւ նրա աչքերը լցնըվում արտասուքով: Նա չէր ուզում վեր կենալ տեղիցը, մինչեւ չէր զգում մի յանկարծակի տաքութիւն եւ աչքերի մթնումն:

Տեսնելով, որ Արութիւնը շատ է ճնշում իրան, մանաւանդ պահելով Ս. Կարապետի պասը, որ նրան զարդարէր հիանալի շնորհքով, հետզհետէ նուազում է եւ կորցնում առողջութիւնը, տէր հայրը ազատեց նրան Ալբերտի ձեռից եւ թոյլ տուաւ, որ ազատ ման գայ, խաղայ, որքան կամենում է: Բայց

մտածութիւնն արդէն սկսել էր ներս
սողալ Արութիւնի տվյալի մէջ։ Նախը ազատ ժա-
մանակը, ծառերի տակ, զովարար ստուերներում
նստած, քարոզներ էր գրում, կամ ոտանաւորներ
հիւսում, որ տեսնէ, թէ Ս. Կարապետը կամ
Սատուածածինը ողքան շնորհք են աւելացրել...

Այսպէս՝ թէպէտ տէր հայրը այլեւս չէր
դաս տալիս Արութիւնին, բայց երբ որ գիւղի
քէթիւսուդաները՝ պարապութիւնից՝ հաւաքվում
են տէրտէրի մօտ զրոյց անելու, տէր հայրը
այդ ժամանակ կանչում էր Արութիւնին եւ
հարցնում արդէն սովորած դասերից։

Այսպէս տէր հայրը մի քանի բառ հորո-
վել ու մի քանի բայ խոնարհել տալուց յետոյ՝
հարցնում էր Արութիւնին—

— Ի՞նչ կընշանակէ բառս՝ վարունգ։

— Խիար, պատասխանում էր Արութիւնը։

— Խարբուզակին գրաբառ ի՞նչ կասեն։

— Սեխ։

— Զմերուկին։

— Մեղրապոպ։

— Բատ մասանց բանի զի՞նչ է բառս՝
«յուշկապարիկ»։

— Ե անուն, պատասխանում է Արու-
թիւնը, բայց քէթիւսուդէքն ուզում են իմա-
նալ, թէ ի՞նչ ասել է յուշկապարիկ։ Ընդ-
հատում են տէրտէրի հարցաքննութիւնը եւ
խնդրում են, որ նա առաջ մէկ բացատրէ այդ
բառի ստուգաբանութիւնը։ Տէր հայրն իսկոյն
նոյն բառի նշանակութիւնը հարցնում է Ա-
րութիւնին, որով ուզում է ցոյց տալ, թէ
այն, ինչ որ իրանից են ուզում իմանալ, իր
աշակերտն էլ գիտէ։

— Ի՞նչ ասել է «յուշկապարիկ», Արութիւն։

— «Յուշկապարիկ» են ասվում այն կեն-
դանիքը, որոնք կիսից վեր ուրիշ կենդանի
են, կիսից վայր՝ ուրիշ։ Օրինակ՝ կան այնպէս
կենդանիք, որոնք գօտկից վերեւ կնկայ նը-
ման են, իսկ գօտկից ներքեւ՝ ձկան, թըռ-
չունի, իշի եւայն։

Այս բացատրութիւնը լսելով քէթիւսուդա-
ներից շտտերը զարմանում էին, իսկ աւելի
ծերերը այդպէս բաներ շատ լսած լինելով՝
շատ չէին զարմանում եւ ասում էին.

— Աշխարհքումն ինչ ասես, թէ չըկայ-
ասած է՝ «Նատ ապրողը չի շատ բան գիտե-

նալ, շատ ման եկողը կըդիտենայ»։ Մէկ անգամ մի մղդըսի էր եկել մեր գեղը, էլ աշխարհք չէր թողել, չիմ էլ ման էր եկել. Հնդատան, Արաբատան, Հարէշտան, Զինմաշին, Փոանգստան. . . մի խօպով էլ աշխարհք չէր թողել, չիմ էլ ոտի տակն էր տուել։ Ի՞նչ ասես՝ թէ նրա գլխովը չէր անց կացել։ Է՞ն բաներն էր պատմում, որ լսելիս մարդի մազեր փշաքաղվում էին։ Ասում էր մի աշխարհք ընկայ, էնտեղի մարդիքը շների նըման էին. . .

— Եդ ճշմարիտ է. «Ճնագլուխների» աշխարհքն է եղել, ասաց տէր հայրը։

— Տէրտէր ջան, քու կարգին մեռնեմ, նա մղդըսի մարդ էր, Երուսաղէմի լուսը տեսած, մեռնեմ զօրութիւնին, սուտ ի՞նչպէս կասէր։ Ասում էր մի աշխարհք ընկայ, էնտեղի մարդիկը հատ աչքանի էին։

— Ճշմարիտ է, հաստատեց տէր հայրը, Արանց կասեն «Քեալլա-գեօղ», «Թափա-գեօղ» որ կընշանակէ «Ճակատ-աչք, որովհետեւ ունեցածները մի աչք է, էնէլ ճակատի մէջ տեղը։ Ասում էր՝ «Մի աշխարհք ընկայ, էն-

տեղի մարդոց հասակը մի թիզ էր . . .
— Ճշմարիտ է, դա ասկում է «Թղկաց աշխարհ» . . .

— Ես ի՞նչ գիտեմ, էնքան բաներ էր ասում, որ ես ո՞ր մէկն ասեմ. . . Հաբա. մենք ի՞նչ ենք տեսնում էս ձորի միջին։ Ուսում էլա չունինք, որ բան գիտենանք. հիմի մենք էդ երեխի չափ բան չենք գիտում. . . Այ, մեր տէրտէրը, ճշմարիտ է, շատ տեղեր չի ման եկած, բայց գետնիքի տակ ու գլուխը գիտէ. ինչո՞ւ, որովհետեւ ինչ ասես գըքերումը գըրուած է. . .

Տէր հայրը շարունակում էր իւր հարցաքննութիւնը։ Հարցնում էր Աստուածաբանութիւնից եւ ուրիշ գասերից, Արութիւնն էլ համարձակ պատասխանում էր եւ զարմացնում քէթխուղաներին։

— Սա կամ իր մուրազին չի հստիլ, կամ թէ որ ապրեց, տէրտէրիցն անց է կենալու. . . զարմանք բան է, էսքան պլուտիկ տղէն էլ էսքան բան կը գիտենայ, ասում էին, քէթխուղաները իրար մէջ Արութիւնի քամակին։

Տէրտէրակինը, որ շատ անգամ իր ականջով լսում էր այդ խօսքերը, նեղանալով տէրտէրի վերայ, ասում էր նրան.

—Ես գեղցիկ ըրտես են, երեխին աչքով կուտեն. պառաւ Գէվոյի աչքը քար կըպատուի. դրանց մօտ ուր ես բան հարցնում. . .

Թէպէտ տէր հայրն եւս հաւատում էր այդպիսի նախապաշարմունքների, բայն «Լինկայ խօսքին ըրլսելու» նախապաշարմունքը աւելի զօրեղ լինելով նրա մէջ, շարունակում էր իր հարցաքննութիւնները, մանաւանդ որ դրանով իր անունն ու պատիւը աւելի եւս բարձրանում էր եւ հաստատվում ժողովրդի կարծիքը, թէ նրան յայտնի է գետնքի տակ ու գլուխը:

Պէտք է ասել, որ Տէր Պետրոսը որքան որ յարգելի եւ պատկառելի էր ժողովրդի աչքում իբրեւ գիտնական, մի նոյնքան եւ առաւել եւս նա սիրելի էր դարձել իր անքնասիրութիւնովք: Նա սովորութիւն չունէր նայելու, թէ ինչ են տալիս իրան: Զըտուած ժամանակն եւս դարձեալ ոչինչ չէր խօսում: Նատ չքաւոր էր, բայց իր չքաւորութիւնից դար-

ձեալ բաժին էր հանում կարօտեալներին եւ ինքը ցամաք հացով էր բաւականանում: Նրա հաւատի պարզութիւնը մնացել էր ամարատ եւ անխախտ, եթէ միայն կարելի է հաւատ անուանել մնահաւատութիւնը: Նա անխտիր հաւատում էր ամեն գրուած եւ տպուած գրքի, ամեն մի պառաւական խօսքի, ամեն մի յիմար նախապաշարմունքի: Նա մի ժամանակ պարապում էր «Սողոմնի» ասուած թալիսմանագրով, ինչպէս եւ իր ժամանակի բոլոր գիտնական համարուած վարդապետներն ու տէրտէրները, թէեւ ծածկաբար: Այս հանգամանքը ոչ միայն չէր պակասեցնում տէրտէրի պատիւը, այլ ընդհակառակն նրան աւելի եւս բարձրացնում եւ դասաւորում էր աստղաբաշխների կարգումը: Այս բանը յայտնի եղաւ Արութիւնին բոլորովին դիպուածաբար:

Մէկ օր Արութիւնը տէրտէրի առջեւ ըոքած դաս էր առնում Ալբերտի Աստուածաբանութիւնը: Խնդիրը Աստուծոյ Էռթեան եւ Երրորդութեան մասին էր. խօսքերը խրթին, միտքն անըմբոնելի: Արութիւնի աչքերը մըթնեցան ու նա վայր ընկաւ նուաղած: Ասուը

ջուր ածեցին Սրութիւնի վերայ եւ ուշքի բերին։ Այս գիպուածից մի քանի ժամ չանցած՝ տէր հայրը բաց արաւ մի հին մնդով եւ նրա միջից հանեց մի մեծ կապոց ձեռագրեր։ Տէր Պետրոսը ծանօթացրեց Սրութիւնին այս նոր մատենադարանի հետ։ Զոկ զոկ տեսրակներ էլին գոյնզգոյն մելանով գրուած վերնագրերով — «գիր յոպոպի», «գիր համասփիւռ ծաղկի», «գիր հաւախօսի», «գիր չբերք կնոջ» եւ այլ մանր մունր գրքեր, իսկ մի մեծ հատորի վերայ գրած էր «գիր Սողոմոնի» . . .

Սրութիւնը լսած լինելով այս գրքերի մասին, թէ «ով որ ունենայ, նա ինչ որ ուզենայ աշխարհիս երեսին՝ կանէ», նրա երեսի գոյնը թռաւ սաստիկ ուրախութիւնիցը, թէ այժմ պիտի ստանայ այն վերին գիտութիւնը, որ էլ ոչ մի հողեղէն չը պիտի կարողանայ իրան համել . . .

Միւս օրը՝ դեռ արեգակը չըծագած՝ տէր հայրը հրամայեց Սրութիւնին, որ յիշեալ մեծ հատորը վեր առնէ երթայ այգին, ինքն էլ շուտով կերթայ։ Սրութիւնն ստանալով իւր ցանկալի առարկան, մինչեւ այգին մի շնչում

վազեց, որ մի ըոպէ առաջ տեսնէր, թէ ինչ կայ, ինչ չկայ նրա մէջ։ Նա գեռ եւս իր հետաքրքրութիւնը կէս մի ջրցուցած՝ տէրտէրը հասաւ երկէն տէրողորմեան ձեռքն առած։

Սրութիւն, որդի, դու որ «ազար» ես ունեցել, ինչու մինչեւ հիմա ինձ չես ասել։ Այս ասելուց յետոյ տէր հայրը բացեց գիրքը, կարդաց մի խրատ՝ թէ ժամի քանիսին պէտք է գիր անել, եւ նախ եւ առաջ մի ժամացոյց շինեց։ Թղթից մի շրջանակ կորեց եւ քսանը չորս հաւասար բաժին արաւ, իւրաքանչիւր բաժնի վերայ մի թուանշան դնելով։ Նրջանակի մէջ տեղը ցըցեց մի շիւղ եւ սպասեց արեգակի ծագելուն, որ ծագեց թէ չէ՝ թուղթըն այնպէս յարմարացրեց, որ շիւղի ստուերն ընկաւ 1 թուանշանի վերայ։ Այդ արդէն կընշանակէր, որ ժամի մէկն է առաւօտեան։ Գիրը պէտք է անէր ժամի երկուսից սկսած։ Սրեգակը քիչ քիչ բարձրանալով շիւղի ստուերը հասցըց 2 թուանշանին։ Իսկ տէրտէրը մինչեւ այդ ախտարք էր անում, որ գտնէ Սրութիւնի աստղը։

— Մօրըդ անունն ի՞նչ է, հարցրեց տէր
հայրը:

— Հռիվախմէ, պատասխանեց Արութիւնը:

— Հոն՝ երեք, ուան՝ մէկ, ինին՝ ուլժ, փիւ-
րը՝ ջրկայ, սէն՝ չորս. . . այսպէս համբելով եւ
տէրողորմեան գցելով՝ ախտարք արաւ տէր-
տէրը, այսինքն մօր եւ որդու անունների տա-
ռերի թուերը գրքի աղիւսակի մէջ նշանակած
թուերի համեմատ հաշուեց, բոլոր գումարը
եղաւ քսանինը: Այդ քսանինից տամներկու
տասներկու դուրս գալով, տեղը մնաց հինգ,
որ ասել է Արութիւնի աստղը հինգերորդ
կենդանակերպն էր, որ էր Առիւծը: Բացեց
Առիւծը, որ տեսնէ, թէ այդ կենդանակերպից
տակ ծնուած մարդի ցաւին ինչ դեղ է ասել
դեւը Սողոմոնին: Զարը պատասխանել էր Սո-
ղոմոնի հարցին այսպէս. — Եթէ այս ինչ երեք
թիլիսիմները գրուին սեւ հաւի կամ աննշան
սեւ ոչխարի արիւնով, մէկով լուացուի հիւան-
դը, միւսով ծուխ տայ իրան, եւ երրորդը
կարել տայ իր աջ բազուկին, այնուհետեւ նա
կառողջանայ եւ նրան այլ եւս ոչ մի զնաս չի
տալ դեւը:

Զար դեւի բարի խորհուրդը կատարելուց
յետոյ տէր հայրն սկսեց սովորեցնել Արութիւ-
նին այն ամեն գաղտնիքները, որ պարունակ-
վում էին այդ գրքի մէջ եւ պատմեց իր ա-
րած փորձերի մասին: Նա ասում էր, թէ ե-
ղել է մի Յակօթ անունով պատրիարք, որ շատ
լաւ է իմանալիս եղել ոչ միայն Սողոմոնի,
այլեւ «Վեցհազարքեան» ասուած թալիսմա-
նագրի գործ դնելը, որով երես առ երես յա-
րաբերութիւն է ունենում չարերի հետ: Նա
պատմում էր, որ իր վարժապետներից մինը
եւս՝ Գիրսաս անունով՝ նրանից յետ չէ, որ
վարդապետ մարդ լինելով, ուրեմն եւ հա-
րուստ, թանգ գնով ձեռք է բերում այն ա-
մեն հատերն ու դեղերը, որ դիւթչութեան
համար կարեւոր են, որ եթէ մօտ քաղաքնե-
րում չեն գտնվում, նա բերել է տալիս Ստամ-
բոլից, Հնդստանից եւ ուրիշ հեռաւոր տեղե-
րից: Տէր հայրը յայտնում էր, որ հոգեւորա-
կաններին արգելուած է այդպէս բաներով
պարապելը, բայց նա չէր ասում, որ այդ ար-
գելելու պատճառն այն է, որ այդպէս բանե-
րը ստութիւն են միանգամայն եւ խաբերայու-

թիւն, այլ թէ քրիստոնեաներին փրկելու համար, սուրբեր կան, խաչեր կան եւ թէ ով որ սաստանայի զօրութիւնովը կըփրկէ մարդու, նագերի կընկնի այն սաստանայի ձեռքը, որ երախտահաս է եղել նրան: — Բայց այս էլ կայ, աւելացնում էր տէրտէրը, որ եթէ գժերի եւ հիւանդների կըլաւացնես, էդ մեղք չէ, վարձք է, բայց եթէ «չիլա» կըմոնես, չարերի հետ պայման կանես, որ ինչ հրամայես, ասածդ կատարեն, եւ այնուհետեւ դու էլ միսես սիրոյ գրեր անես, կնանիք մերկացնես, մարդիկ գժուացնես, երկնքը կապես, ահա այդ ժամանակը հոգիդ կընկնի նրանց ձեռքը . . . Բայց ինչ ուզում է լինի, գիտենալը մեղք չէ, անեն է մեղք: Միայն ինչ որ անես, պէտք է թաքուն անես, որ չիմանան, եթէ ոչ՝ էլ տէրտէր չեն օրհնիլ, ինչպէս որ ինձ չէին օրհնում..

Յիրաւի, Ներսէս կաթողիկոսն արգելել էր հոգեւորականներին կախարդական գրքերի գործադրութիւնը, հաւաքել էր տալիս այդ գրքերը եւ տէրերին պատժում, բայց հաւագող վարդապետները կամ գործակալները շատ անգամ իրանք էին սեփականում այդ գրքերը՝

հաւատալով նրանց հրաշքներին: Զէին ասում «սուտ է», այլ թէ «մեղք է»: Մեր եկեղեցին նզովում է այդ գործով պարապողներին, իբրեւ չարագործների, բայց ոչ իբրեւ խաբեփաների, եւ խաբուածների, որովհետեւ սատանայի գոյութիւնն ընդունելուց յետոյ կարող չէ ընդունել եւ նրա չարագործութիւնը. . .

Արութիւնը, որ անյագ սիրով հաւատ էր ընծայում Տէր Պետրոսի բոլոր ասածներին, աշխատում էր, որ ինչ գիտէ, ըրգիտէ տէրտէրը, բոլորն էլ ամբարէ իր յիշողութեան մէջ: «Գիտենալը խօմ մեղք չէ, անեն է մեղք», կրկնում էր Արութիւնը տէրտէրի ասածը եւ միշտ հարցնում էր տէրտէրին այն բաների մասին, որոնք շարժում էին նրա հետաքրքրութիւնը: Սակայն ոչ մի անգամ չէր պատահում, որ տէրտէրն ասէր, որ այդ բանի մասին տեղեկութիւն չունի ինքը: Նա ամեն բան գիտէր, այսինքն հաւատացած էր, որ գիտէ: Եթէ՝ օրինակ՝ Արութիւնը հարցնում էր երկնային մարմինների մասին, արեգակի, լուսնի, աստղերի, տէր հայրը պատասխանում էր. որովհետեւ Գրիգոր Լուսաւորիչը եւ Բար-

սեղ Կեսարացին մի հարց ու պատասխանով
ուծել էին այդ խնդիրը։ Եթէ ինդիրը վե-
լրաբերում էր այն կեանքին, այդ աւելի պարզ
էր տէրտէրի համար, քան թէ այս կեանքը։
«արդարոց կեանք յաւիտենական, եւ մեղաւո-
րաց տանջանք յաւիտենական»։ Այսպիսով ահա
Արութիւնը տէրտէրի բոլոր փիլիսոփայութիւնը
սովորեց եւ ինքն էլ դարձաւ մի փոքրիկ փի-
լիսոփայ, մեծ բաներ գիտցող, փոքրիկ բանե-
րին անտեղեակ։ Հայոց պատմագիրներին ծա-
նօթ չէր տէր հայրը, նա չէր տեսել եւ ոչ
կարդացել Խորենացի, Եղիշէ, Փարավեցի Եզնիկ,
Դաւիթ, Եւայն, այդ պատճառով՝ ազգ, Հայ,
Հայրենիք, Հայաստան բառերը Արութիւնի ա-
կանջին ըրդիպան ոչ մէկ օր։ Խօսք էր լինում
միայն Հայոց կրօնի մասին, եւ տէրտէրն ա-
սում էր՝ «աշխարհիս երեսին միակ ձշմարիտ
կրօնը Հայոց կրօնն է, բայց հայերն իրանք
անմիաբան ազգ են, դրա համար էլ կորցրել
են իրանց թագաւորութիւնը։ Հայոց թագա-
ւորները շատ գոռոզ են եղել, շատ ամբար-
տաւան, ձիով են եղել գնալիս եկեղեցի։ Անի
քաղաքացիք էնքան գոռոզացել են, որ ծաղ-

բում են եղել բոլոր վարդապետներին։ Ասում
են՝ եթէ գալիս էր մի երկայնահասակ վար-
դապետ, նրա առջեւ գնում էին շատ ցածր
գրքակալ, որ վարդապետը կուանայ, եւ իրանք
ծիծաղեն, իսկ եթէ կարմահասակ էր լինում,
բարձր գրքակալ էին գնում, որ վարդապետը
վեր վեր ձգուի։ Մէկ անգամ էլ ահա էդ
վարդապետներից մինը անիծեց ու քաղաքը^ը
քանդուեց իսկոյն երկրաշարժով։ Հիմա էդ
քաղաքը կայ, բայց ոչ ոք չի կարող բնակիլ
այնտեղ, որովհետեւ «անիծուած է». . .

—Ավասու, ասում էր Արութիւնը, սաստիկ
բարկանալով անբարտաւանութիւն անողների
վերայ եւ ընկնում էր մի խորին եւ անբա-
ցատրելի տիրութեան մէջ։





Գ.

ՀԱՆԱՊԱՐՀՈՐԴՈՒԹԻՒՆ

Րբ որ Սրութիւնը գնասս-բարով ասաց Մանուէլին եւ հեռացաւ, այնուհետեւ մկսեց երեւակայել մի բոլորպին իրան անձանօթ աշխարհ։ Նա գիշերը երազումը տեսնում էր, որ իբր թէ քաղաքումն է, ման է գալիս նրանում, որ Մանուէլին գտնի, տեսնում էր նրան իրանից հեռու կանգնած, կանչում էր, բայց Մանուէլը չէր լսում։ մկսում էր բարձր բղաւել, եւ իր ձայնն ինքը լսելով՝ զարթնում էր եւ ափսոսում, որ զրկուեցաւ Մանուէլի տեսութիւնից։ Նուտով աչքերը խփում էր, որ էլի պատահէ Մանուէ-

լին, բայց՝ իր ցանկութեան հակառակ՝ պատահում էր օձերի, վիշապների, որոնցից սաստիկ վախենալով՝ մկսում էր վախզի, բայց օձերը նրա չորս կողմը կտրում էին, նա մընում էր շփոթուած, ուզում էր թռչիլ դէպի վեր եւ թռչում էր թռչունի պէս։ Թռչում էր Սրութիւնը եւ մկսում էր բարձրից ծիծաղել օձերի վերայ եւ նրանց գլխին օ փսուն կարգալ, որ սովորել էր տէր-հօրից։ Այսպէս լողալով օդի մէջ, իջնում էր Սրութիւնը մի բլուրի կամ բարձր քարի վերայ, բայց խկոյն զարթնում էր եւ ափսոսում, որ զրկուեցաւ թռչելուց։— Ինչո՞ւ, ասում էր, դէպի քաղաք չէի թռչում։ Դարձեալ աչքերը խփում էր, որ երազի մէջ թռչի դէպի քաղաք, բայց սրա հակառակ, իր գլքերի մէջ գտնում էր զանազան ձեռագիր մատեաններ, որոնց մէջ գրուած էին լինում փակագրերով՝ արձանագրութիւններ, խրթին շարադրութիւններ, զարհուրելի ճիւղական պատկերներ, թալիսմաններ, անըմբունելի աղօթքներ։ չարչարուելով, տանջուելով կարդում էր, բայց ոչ մի բառ կարգացածիցը չէր հասկանում։ սաստիկ նե-

զանալուցը յանկարծ զարթնում էր եւ տեսնում,
որ շատ քրտնել է: Յիշում էր իր երազը, բայց
ոչ մի բառ կարդացածիցը միտը չէր ընկնում:

Այսպէս մի քանի ամիս անցած՝ տէր հայ-
րը մի երեկոյ յայտնեց Արութիւնին, թէ վաղը
առաւօտուն պիտի երթայ քաղաք, եւ նրան
էլ ուզում է հետը տանել, ցոյց տալ քաղաքը:

Արութիւնի երեսի գոյնը թռաւ սաստիկ
ուրախանալուցը, եւ մի քանի ըուպէ ոչինչ չը
խօսեց, կարծելով թէ երազումն է լսում այն
խօսքերը: Ել ընթրիք անել չըկարողացաւ. ու-
րախութիւնը հացի տեղ բռնեց, բայց վերա-
հաս գիշերը տարի դարձաւ Արութիւնի հա-
մար, նրա քոնը երկինք փախաւ:

Վերջապէս լուսացաւ, Տէր Պետրոսը հե-
ծաւ ձին, Արութիւնին էլ առաւ գաւակը, եւ
մի քաղցր խօսակցութիւնով վարժապետ ու
աշակերտ ճանապարհ ընկան դէպի Թիֆլիս:

— Տէրտէք. . . (Բան է ուզում հարցնել
Արութիւնը):

— Ի՞նչ է, որդի. . . լանդու լանդու մի
անկի, թամբը կըծռես, ձիու մէջքին կըդիպի:
— Զէ, ես շխտակ եմ նստած:

— Ի՞նչ էիր ուզում ասել:

— Են օրը Դարդանց Օսէվը մի բան հար-
ցրեց, չիմացայ թէ պատասխան էի տուել,
շատ ամաչեցի:

— Ի՞նչ հարցրեց:

— Հարցրեց, թէ «դժոխումը քանի հոգի
կան»: ասացի՝ լրդիտեմ. . .

— Եդ ի՞նչ բան է, որ չես գիտացել.
միթէ ես չեմ ասել քեզ:

— Ո՛չ, դու ինձ չես ասել, եւ ոչ էլ կար-
դացել եմ:

— Եդ ես էլ չեմ կարդացել, որդի. ամեն
բան որ գրէին, ոչ թուղթ հերիք կանէր, ոչ
թանաք: Ականջ արա, ես քեզ ասեմ: Երբ որ
Քրիստոս Հոգւովն ի դժոխս իջաւ, բոլոր հո-
գիքն ազատեց, միայն թողեց չորսը, — Կայէնին,
Յուղային, Սողոմոնին ու Անակին: Գրիգոր
Լուսաւորիչը որ ձեռքը Քրիստոսին տուած՝
դժոխիքի դռնովը դուրս էր գալիս, յետ մոփկ
տուաւ: Քրիստոս իմացաւ, որ Գրիգորն իր
հօր համար է մտիկ տալիս. — Հը, ասեց,
մեղքդ է գալի՞ս. թող քո խաթրու դժոխիքի
սիւնը ականջիցը հանեն, աչքումը դնեն: Էն-

պէս էլ արին. նա մնաց էնտեղ: Գրիգոր Լուսաւորիչը ըրկարաց իր հօրն ազատել դըժոխիցը: Բայց Սողոմոնն իր իմաստովթիւնը դժոխքումն էլ բանեցրեց: Երբ որ տեսաւ, թէ Քրիստոս նրան թողեց էնտեղ, սկսեց գլուխը քաշ քցած յետ ու առաջ անց ու դարձ անել դժոխքումը սաստիկ բարկացած. . . Սատանէքը, որ Քրիստոսի ներս մտնելիս փախել էին, նրա գնալուց յետոյ էլ յետ թափուեցան դըժոխքը. գրանք որ Սողոմոնին տեսան, մնացին զարմացած, թէ սա ինչո՞ւ է մնացել այստեղ, բարի բանի համար չի լինիլ, երեւի Քրիստոսի պակաս թողածը սա է ուզում լրացնել: Յետոյ մօտենալով Սողոմոնին, հարցրին. — Եյ, ուստա Սողոմոնն, էստեղ ի՞նչ ես շինում, էդ ի՞նչ ես չափում չափչփում, մտքիդ խորն ընկած:

— Զեղ համար գերեզմանատեղ եմ չափում, պատասխանում է Սողոմոնը: Քրիստոս ինձ հրամայեց, որ այս դժոխքի տեղը մի մեծ տաճար շինեմ, իմ Երուսաղէմում շինած տաճարիս ձեւով, այն զանազանովթիւնով միայն, որ այս տաճարը իր հիմքի տակ պիտի ունենայ մի կամարակապ խոր անդունդ, ուր պիտի

ամփոփեմ ձեզ, որ այնտեղ մնաք յափուեան եւ էլ լոյս աշխարհք ըստեսնէք: Սատանէն ասում են՝ Ի՞նչ ես ասում, Սողոմոնն, այդ ի՞նչ անգութ մարդ ես դու. աշխարհի վերայ մեզ քիչ տանջեցիր, հիմա էլ էստեղ ես ուզում տանջել: Ոչ, այդ քեզ չի յաջողիլ, այս մեր ընակարանն է. . . եկէք, եկէք, Ուրիէլ, Սադայէլ, Դակուէլ. . . բոլոր դեւերն իմաց են տալիս մէկ մէկու, հաւաքփում են եւ Սողոմոնին ցիմ ցիմ վեր են կալնում, դժոխքիցը հանում ու գնում դրախտի ճանապարհի վերայ: Այսպէս գնաց Սողոմոնը, որ դրախտն ընկնի, ճանապարհին՝ Զիթենեաց սարի տակով անց կենալիս՝ վերեւ մտիկ տուաւ, տեսաւ Ադամին Քրիստոսի կողքին նստած: Սողոմոնը Ադամին որ տեսաւ, ասեց՝ «Օրհնեա տէր». Ադամն էլ իր ձեռքը Քրիստոսի կուրծքին դնելով՝ ասեց՝ «Աստուած օրհնէ» . . . Քրիստոս էլ Սողոմոնի իմաստովթիւնը գովեց, թէ՝ «Ես ինքս գիտէի, որ դու դժոխքումը կենող պտուղ չես» . . . Ահա էսպէս, հիմա իմացար: — Իմացայ, իմացայ. . . Ես հիմա երկու բան սովորեցի. մէկ՝ թէ դժոխքումը քանի

հոգի կան, մէկ էլ որ՝ թէ «օրհնեա տէրն
ու Աստուած օրհնէն» ինչ ժամանակից է
մնացել եւ ով է եղել դրա առաջին ասողը. . .
Հիմա ես ամեն բան էլ գիտեմ, մնացել են էն
բաները միայն, որ գրքերումը չըկան:

— Զէ, որդի, էլի շատ գրքեր կան, որ
դու դեռ չես տեսել. . . Ճարտասանովթիւն,
տրամաբանովթիւն, Սազմոսի մեկնովթիւն, էլի
ուրիշ հազար ու մէկ մեկնովթիւններ կան:
Ես չունիմ էդ գրքերը, թէ չէ ես ինքս կը-
սովքեցնէի: Բայց էլ ինչի՞դ է պէտք, որդի,
շատ կարդալը. չես լսել, որ ասում են՝
Հաստ ու բարակն է մի գին,
Վայ գայ բարակ մանողին. . .

Տէր Կիրակոսի տղին ճանաչում ես, էն
խողարածին,—ինչ խողարած, բոի արջ է:—Մի
դարտակ «եւ եւս խաղաղովթեան» է սովորել,
ուզում է տէրտէր դառնալ: Ինձ խնդրում
են, որ գործակալին յայտնեմ, որ գնայ առաջ-
նորդին բարեխօս ըլի: Հիմի էլ հէնց նրա
համար եմ գնում: Եկան հայր ու որդի, աղա-
չանք արին, ես էլ չըկարողացայ «չէ» ասել. . .
է՛հ, իմ ինչիս է հարկաւոր, մեղքն օրհնողի

շնչին. . . Բայց ես մնացել եմ զարմացած:
Ասում եմ՝ «Եկեղեցու եօթը խորհուրդը գի-
տե՞ս». ասում է՝ «չէ»: «շարական ասել գիտե՞ս», — «չէ»: կարդալ, դրել, Տօնացոյցի մոիկ
տալ. — չէ: Օրհնուած, ասում եմ, էլ ուրեմն
դու ինչպէս պէտք է քահանայովթիւն անես:
— Ես ինչ անեմ, ասում է, հայրս ինձ ստի-
պում է, թէ պիտի տէրտէր դառնաս, որ
իմ տեղը քեզ մնայ. չես կարող, ասում է,
սաղը կնքել, մեռածը թաղել. էդ ես յետոյ
էլ կըսովքեցնեմ; մի տասը թուման է առաջ-
նորդի ջանը, ինչ կասի, որ չի ձեռնադրիլ.
«կաշառքը դրախտի գուռը բաց կանի» . . .

Մէկ ասող ըլի դրան, թէ դու ինքդ
ինչ գիտես, որ դրան ինչ սովքեցնես: Աղօթք-
ներն ու մաղթանքները բոլորը կիսատ է թո-
ղում, տիրացուի կողքին բռթում, որ շուտով
քարոզն ասի: Աւետարան կարդալիս մի գլուխ
հաղում ու նմնմացնում է, ոչ մի բառ ամ-
բողջ չի դուքս թողնում բերնիցը, տառերի
մեծ մասը կուլ է տալիս: Դրանց եկեղեցու
շարականի մեծ մասին դեռ ձեռք չի տուած.
յարութեան օրերին ապաշխարովթեան շարա-

կան է ասում: Բայց ինչպէս թաճճ է ծախում իր տէրտէրովթիւնը, ամեն մի ծէս կատարելիս փողն էս գլխիցն է առնում, էն էլ մէկն երկուառվ. ում ուզում է՝ հաս է գրում, ում ուզում է՝ ջրհաս. . . Զէ, դա անիրաւութիւն շատ է անում, դրա համար քահանայութիւնը մի սուրբ պաշտօն չէ, այլ մի տեսակ չարչութիւն: Ես գործակալի պաշտօնակատար եմ, որ ուզենամ, դրան պատժել կըտամ, բայց ինչի՞ս է պէտք, մենակ դա չէ էդպէս, բոլորն էլ էդպէս են. մեղաւորը դըրանց ձեռնադրողներն են. . . Հաբա, որդի, էսպէս բաներ էլ կան աշխարհքիս վերայ, Աստուած պահի, կրմեծանաս, շատ բան կըտեմնես. . .

—Ես որ տէրտէր դառնալու լինիմ, մինչեւ ամեն բան լաւ ջրդիտենամ, չեմ դառնալ:

—Որդի, մարդս պէտք է բնական ուսում ունենայ, շատ կարդալով ոչինչ չի սովորիլ: Տես՝ ինչքան մարդարէք են եղել, ինչքան առաքեալներ են եղել, նրանցից ոչ մէկն ուսում չի առել, բայց Աստուած տուել է նրանց շնորհք, իմաստութիւն, լեզուագիտութիւն. . .

—Բայց մէկ անգամ դու չասեցիր, տէրտէր, թէ մարդարէքն ու առաքեալները որ կան, Աստուծու աշակերտաներն են, Նրա ընտրածները, բայց մենք հասարակ հողեղէններս պէտք է հողեղէններից բան սովորենք, պէտք է աշխատենք. . . Ես ինչքան պաս եմ պահում, աղօթք եմ անում, բայց որ չեմ սովորում դասս, ինքն իրան անգիր չի լինում: Ճշմարիտ է, շատ գիշերներ երազումն կարգում եմ զանազան գրքեր, շարադրովթիւններ, բայց միսս չեն մնում:

—Ես էնպէս ասել եմ, որ դու աշխատես, ջրծուկանաս, խօսք էր, բերանս եկաւ, ես էլ ասացի. բայց դու հաւատա, որ եթէ մէկը Աստուծոյ տուած խելքիցը զրովկ լինի, նա ինչքան էլ ուսում առնի, ոչինչ չի դառնալ: Հիմա տես, դու սիրում ես ուսում առնելը, էդ սէրն Աստուած է գցել քո մէջ. բայց էնպէմները կան, որ ուսման սէր չունին, զուռզ ստիպում են նրանց, որ մի բան սովորենք: Բայց դու ուզում ես, այնպէս չէ, դու ուզում ես շատ ուսում առնես, շատ բան գիտենաս. . .

—Երբ որ ասում ես, դեռ էլի շատ բան

կայ, որ ես չեմ կարգացել, ինչի՞ ըրկարդամ. . .
— Նատ լաւ, հիմի գնում ենք քաղաք,
եթէ կուզես, ես քեզ կըթողեմ էնտեղ, որ
մտնես ուսումնարան եւ շատ բան սովորես. . .

Մեր տէրտէրը հազարից մէկ տնգամ մի
ուղիղ բան էր ասել, բայց գուրս է գալիս,
որ էդ էլ պատահմամբ է եղել: «Խօսք էր,
ասում է, բերանս եկաւ, ես էլ ասեցի»: Մեր
տէրտէրը, որ գիտէ, թէ գժոխքումը քանի
հոգի կան, բայց ըրգիտէ, որ Գրիգոր Լու-
սառորին այդ ժամանակ գեռ ծնուած չէր,
մեր գիտնական հոգեւորականների ներկայա-
ցուցիչն էր իւր ժամանակին, եթէ ոչ շատ,
գոնէ մի քանի նահանգի վերաբերութեամբ,
եւ մի քանի վանքերի, որոնց միաբանների
ըոլոր փիլիսոփայութիւնը Տաթեւացու հատոր-
ների մէջն էր ամփոխուած: Այս հանգամանքի
վերայ կարժէ մի փոքր ուշադրութիւն դարձնել:
Քող հնագէտն ու պատմաբանը իրանց հետազօ-
տութիւնն անեն, իսկ նրանք, որոնք կոչուած են
լոյս ափուելու մեր աշխարհի խաւար անկիւնե-
րում, թող տեսնեն գրքերի ազգեցութիւնը
ժողովրդի մտաւոր զարգացման վերայ. . .

Մեր տէրտէրը եւ նրա հետ բոլոր փոքր
ի շատէ աչքի ընկնող նշանաւոր կամ աննշան
աստուածաբաններն ու քարոզիչները ի ման-
կութենէ ձգտում են ունեցել դէպի բարին,
դէպի կատարեալն, բայց այդ ձգտումը նրանց
տարել է դէպի խաւարի խորքը, որովհետեւ
խաւար էր նրանց ըրջապատող կեանքը: Այդ-
բանը յառաջ է գալիս ահա ինչպէս.—մէկ ե-
րեխայի մէջ ինչ ինչ պատճառով գոյանում է
ձգտումն դէպի գրագիտութիւն: Ստիպում է
նա իր ծնողացը, որ նրան տան գեղի տիրա-
ցուին կամ տէրտէրին գիր սովորելու համար:
Ծնողքը կատարում են նրա խնդիրքը, տես-
նելով, որ յիրաւի, նա շատ սրամիտ է, տան
մէջ ինչ որ երգում են, իսկոյն սռվորում է,
հէքիաթ, առակ են ասում, նա կրկնում է,
կրկնում է եւ աշրջների երգածները, այս
հանգամանքն արդէն համարվում է առանձին
ընդունակութեան յատկանիշ, որովհետեւ ինչ-
պէս մեծերի, նոյնպէս եւ փոքրերի աշխար-
հում կան զանազան տիպեր, որոնք թէեւ
դեռ լաւ ըրկազմակերպուած, բայց շատ
լաւ որոշվում են միմեանցից: Պատանի տա-

ղամնդը տիրացուի կամ խալիփայի գիտութիւնը
սեփականելուց յետոյ համարդում է ուսում
նաւարտ: Գնում է նա այնուհետեւ տէրտէրի
հետ թաղման, մկրտութեան, հարսանիքի: մի
խօսքով վաղօրօք ընկնում է հասարակութեան
մէջ, ընկնում է ծերերի շարքը, քէթխուդա-
ների հետ է նստում վեր կենում: Այս հան-
գամանիքց մեծ օգուտ է քաղում նրա յիշո-
ղութիւնը, նրա դիրազգացութիւնը. նա դառ-
նում է շատերի խորհրդակիցը, երազների մեկ-
նողը, բախտի նայողը, նամակի, պարտամուր-
հակի, պայմանաթղթի գրողը: Պատահում է
սրա նրա տանը հին գրքերի, որդոց որդի
ժառանգութիւն մնացած, որ զգուշութեամբ
եւ աչ ու դողով պահում են այն յուսով, որ
իրանց տանից երբ եւ իցէ մինը կարդալ կը-
սովորի եւ մեծ օգուտ կրքաղէ նրա հոգեշահ
խրատներից, կամ խորհրդաւոր գիտութիւն-
ներից: Այս գրքերն առհասարակ լինում են
կրօնական կամ իբր բարոյական բովանդակու-
թիւն ունեցող գրքեր: Հաւաքում է պատա-
նին այդ տեսակ գրքերը եւ սկսում է գիշեր
ցերեկ կարդալ: Մոռանում է տնային գործը,

ուշ չի գարձնում ոչ մի բանի վերայ. գիշերը
նրան ճրագ չեն տալիս, նա կարգում է կրակի
շեղջի լուսով: Տաքանում է նրա գլուխը, վառ-
վում է երեւակայութիւնը, աւելանում է ուս-
ման վափաքը, յղանում է վերջապէս իր ուս-
ման ծարաւը զովացնելու զանազան հնարքներ,
որոնցից ամենահեշտը եւ դիւրահասը համա-
րում է վանականութիւնը: Եւ նա համում է
իր այս նպատակին: Մի քանի տարուան մէջ
ամբարդում է նա բազմակողմանի առասպել-
ներով եւ սեւ գլխով վերադառնում ու սեւա-
ցնում շատերի խելքն ու միտքը: Դիւրազգաց
ընաւորութեան վերայ մեծ ազդեցութիւն են
գործում ամենահասարակ համարուած դէպ-
քերը. նրան պատահած այս կամ այն գաղա-
փարի տէր մարդը, այս կամ այն ուղղութիւն
ունեցող գիրքը տակնուվրայ է անում նրա
մտաւոր աշխարհը: Այսպիսի գիպուածների
ենթարկուել էր եւ մեր տէր հօր հանճարը:
Մտաբերելով իր երբեմն ունեցած ուսման
վափաքը, նոյնը տեսնում էր այժմ եւ Արու-
թիւնի մէջ եւ ցաւակցում նրան: Նա չէր կա-
րող երեւակայել, որ Արութիւնի ապագայ

վարժապետները կարող են բոլորովին այլ ուղղութեան եւ գաղափարի տէր մարդիկ լինել, որոնք ոչ միայն չեն շարունակիլ իր կիսատթողածը, այլ ինչ որ տուել է, այն էլ կաշխատեն մի կողմ մղել, որ իրանց տալիք ուսումն մի մաքուր անկիւն գտնինրա ուղեղում. . .

Տէր հայրն սկսեց պատմել իր տեսած ու լսած բաներից, մինչեւ հասան թէլէթի սարի ստորոտը:

— Իէ հիմի վէր արի, ասաց տէր հայրը, ձին մեղք է: Որ բարձրանանք էս սարի գլուխը, քաղաքը կերեւայ:

Արութիւնն իջաւ ձիուցը, եւ մի քանի քայլ ծանր փոխելուց յետոյ՝ զառիվեր թռաւ արագավազ եղջերուի նման եւ տէրտէրին շատ ցած թողնելով ինքը բարձրացաւ սարի գլուխը, որտեղից երեւեցաւ նրան քաղաքը:

Թիֆլիս քաղաքը Նալթլուզից սկսած մինչեւ Վէրա յանկարծ բաղուելով Արութիւնի առջեւ, ապշեցրեց նրան: Չըտես, երեւակայութեան աշակերտ, դիւրագգաց եւ դիւրագը գիռ Արութիւնը մնաց տեղնիտեղը մեխուած, էլ քիշրողացաւ մի քայլ յառաջ փոխել. . .

— Հրաշալի՛ տեսարան, բացագանչեց վերջապէս Արութիւնը: Սա ինքն է «Պղնձէ քաղաքը», ասում է Արութիւնը եւ քիչ է մնում Տալիփի նման «շաբաշ-շաբաշ» աղաղակելով թռչել սարի գլխից եւ ընկնել իր ներգեւն ընկած խորերն ու ձորերը: Էս անսպատճառ Սողամնի հրաշագործութիւնովը կրվինին էսպէս պայծառացրած. . . Այս, Աստուած թեւ տար ինձ, էս բոպէխա կրթոչէի ու կրսկէի սրա վրայ պտոյտ պտոյտ գալ: Քաղաքացիք կրզարմանային, կասէին՝ «Էս ով է, երկնքիցն է գալիս. . . Տէրտէրը Եղիսէի նման կաղաղակէր «Հայր, հայր, կառքըդ Խօրայէլի եւ հեծեալդ գորա» . . . Հէնց կիմանար, թէ Եղիայի նման երկինք են տանում ինձ. . .

Մինչեւ Արութիւնն այսպէս մի քանի բռպէ կրզուարձանար քաղաքի երեւութով, աէր հայրն էլ հասաւ, իջաւ ձիուցը եւ մորակի կոթը գէպի քաղաքը մեկնելով, ցոյց տուաւ Արութիւնին, թէ ինչ տեղ է Առաջնորդարանը, ինչ տեղ է կենում գործակալը, թէ այն՝ այս ինչ եկեղեցին է ու այս՝ այն ինչ: Վերջապէս մոտան քաղաքը: Վախենալով՝ որ մի գուցէ

Արութիւնը մոլորուի ու կորչի կամ դրոշկի տակ ընկնի, տէրտէրն առաջուց զգուշացրեց նրան, որ այս ու այն կողմ չընայի: Այսպէս հասան մինչեւ Հաւաքար, ուր ձին մի թաւլում կապելուց յետոյ, Արութիւնի ձեռովի ուղարկեց գործակատարի համար բերած թխուածքըն ու մեղրահացերը: Գործակատարի տունը ցոյց տալու համար՝ տէր հայրը կանգնեցրեց Արութիւնին մի փողոցով; Ճախ ձեռը դրաւնրա ուսին եւ աջ ձեռը մեկնելով դէպի մի կողմ, ասաց.

— Եսպէս կերթաս, յետոյ աջու կուանրդ վրայ շուռ կրգաս, էնտեղ մի նեղ քուչա կայ, էն նեղ քուչովն էլ որ մի քիչ կերթաս, էլի մի ուրիշ քուչա կրգայ առաջդ, նրանով էլ մի քիչ որ կերթաս, մի տուն կըտեսնես՝ մի փոքր բախչա առաջին: Էնտեղ կըհարցնես, կասես՝ Տէր Փիլիպոսենց տունը ո՞րն է, կասեն «այ, էս է»: Կըմտնես տուն, փափախդ վէր կըկանես, ու էդ կըտաս իրանց, կասես՝ տէրտէրն ուղարկեց: Դմացար:

— Դմացայ, իմացայ . . . Եսպէս կերթամ, յետոյ աջի կուանրս վերայ շուռ կրգամ. . . կըտնեմ, կըգտնեմ. . .

— Ես գիտեմ, որ կըգտնես. . . Ես տեղը մոքիցդ ցգցես, ես էստեղ կըսպասեմ քեզ: Դէ գնա, մի վախենար: Տէր ուղեսցէ զգնացը քո ի ճանապարհս խաղաղութեան. . .



դիպուածաբար, բարեկամութեան ուխտ են գնում բնազգմամբ, նրանց քոյրերն էլ՝ դարձեալ դիպուածաբար՝ վազուց արդէն պատահել են միմեանց։ Երկումն էլ հարս են քաղաքումը, երկումն էլ դրացի, երկումն էլ շատ սիթով կապուած միմեանց։

— Օսանա, գիտե՞ս էս քանի օրըս ի՞նչ է պատահել Դաղէթումը։

— Այնչ չեմ լսել, ի՞նչ է պատահել։

— Մագթաղի տղան՝ Սօսին ինքն իրան սպանել է. . .

— Ի՞նչ ես ասռամ. . . Խեղճ տղայ. ի՞նչ է պատահել տեսնես, ինչո՞ւ է սպանել. . .

— Մի ջրառած բան. Նամիքն էլ իր կընկանը՝ Մարիամին է սպանել. Մարիամի նշնելու քուրը՝ Ներկին էլ գժուել է, նա էլ էնտեղ է գլուխը մահու տուել. բոլոր անբախտութիւնը նրանից է պատահել, որ Սօսին ուզում է եղել նշանուի Ներկին վերայ, կամ թէ նշանած է եղել, ջրգիտեմ, միայն Ներկիքը կենում է եղել իր քուոր կշտին, Սօսին նրանց մօտ թաքում գնալ գալ է ունենում, Նամիքն էդ տեսնում է, վատ կարծիք է տանում

Պ.

ՎԻՊԱԿԱՆ ԱՆՑՔԵՐ



աւաբարի տներից մինի մէջ տախտի վերայ ծալապատիկ նստած՝ խօսում էին իրար հետ երկու մատաղահաս կանայք։ Սրանցից մէկն էր Սրութիւնի քոյրը՝ Օսանան, իսկ միւաը Մանուէլի քոյրը՝ Հոռոմիմը, որ Օսանին մօտիկ դրացի լինելով՝ եկել էր նրա մօտ գիւղից ստացած մի տիրալի լուր հաղորդելու։

Նատ անգամ աշխարհիս երեսին այնպիսի դէպքեր են կցորդվում միմեանց, որ կարծես մի աներեւոյթ ձեռք մի որ եւ իցէ նպատակով նրանց իրար հետ շաղկապած լինի։ Սրութիւնըն ու Մանուէլը միմեանց հանդիպում են

Մարիամի վերայ, վերջն սպանում է, տանում
է կախ տալիս մէրումը, որ ասեն՝ «ինքն է
խեղդել իրան»։ Հերիքը գնում է գտնում,
վախենում է, թէ ինչ է պատահում, գժվում
է. Սօսին էլ որ իմանում է թէ ինչ բան է
պատահել իր պատճառով, թուանքով խըսում
է ինքն իրան սպանում։ Նամիրն էլ որ յետոյ
իմանում է, թէ անմեղ է եղել Մարիամը, նա
էլ էնտեղ է ինքն իրան սպանում. . .

—Ի՞նչ անբախտովթիւն է, Տէր Աստուած,
ես հենց իմանում էի, թէ մենակ ինձ է պա-
տահել էդպէս մի բան, հիմի տեսնում եմ,
որ ուրիշներին աւելի վատ է լինում։

—Քեզ ի՞նչ է պատահել, փառք Աստու-
ծոյ, դու ողջ առողջ ես։

—Զէ, ես ուրիշ բան էի ուզում ասել,
միտքս ուրիշ տեղ գնաց. . . Խեղճ Մագթաղ,
մինուճար մէկ տղայ ունէր, աչքի սեւն ու
սիպտակը, նրանից էլ զրկուեց. Էլ ի՞նչ կապրինա։

—Ի՞նչ ապրել... Գիշեր ցերեկ տղի գերեզ-
մանիցը չի հեռանում, ասում են, ոչ ուտում, ոչ-
խմում է, միշտ աղի արտասուք է թափում։ Ո՛վ
գիտէ հիմինա էլ գժուած կըլինի, կամ մեռած...

—Նարգիզի նման . . .
—Ո՞վ է էդ նարգիզը . . .
—Դրա պատմովթիւնը երկար է Հոռոմ-
սիմ։ Ախըր իմ գլխովն էլ է էդպէս մի բան
անց կացել. . . Տեղը չի եկել, որ պատմեմ քեզ։
—Ասա, մէկ ասա, ստիպեց Հոռոմսիմը։
Ես նկատել եմ, թէպէտ քեզ չեմ ասել, որ մի
հին ցաւ կայ քո սրտումը։ Չմեռուայ արեգա-
կի նման շուտ շուտ ամպի տակ ես մտնում,
էնպէս ես տիրում։ Միտք եմ անում, ասում
եմ, ի՞նչ պիտի լինի սրա դարդը. . .
—Ականջ դիր, հիմի ասեմ։ «Ես դեռ
օրօրոցումը, մեր հարեւան նարգիզը մի խաչ
է քաշում իմ օրօրոցի վերայ, թէ Օսանին իմ
Ռոստոմի համար պիտի ուզեմ։ Մէրըս էլ ա-
սում է. շատ լաւ։ Չորս տարեկան դառած
յըդառած՝ նարգիզը մէկ օր եկաւ, ոսկէ զըն-
ջիլով մի մեծ խաչ մանէթ կախ տուաւ շնչիցս,
թուշիցս էլ պաշեց, թէ՝ դու իմ Ռոստոմի
նշանածն ես։ Ես էլ շատ ուրախացայ. մըտ-
քում ասում էի, էս ի՞նչ լաւ բան է. բայց
թէ ինչ բան է, ես ինչ կըդիտենայի։ Ռոստոմն
էլ, ճշմարիտ է ինձանից երեք թէ չորս տարով

մեծ էր, բայց նա էլ ինձ նման ոչինչ չէր
հասկանում: անմեղ սրտով մենք շատ սիրում
էինք մէկ մէկու: Օր չէր լինիլ, որ կամ ես
չերեւայի նրա աչքին, կամ նա իմ: Եսպէս
մենք իրար սիրով վառուած՝ հէքեաթներում
ասածի նման՝ ով տարով կըմեծանար, մենք
օրով էինք մեծանում: Ուստոմը դեռ տամնը-
հինգ տասնըվեց տարեկան ջրկար, տեսնողն
ասում էր քսան տարեկան կըլինի—բեխատե-
զերը սեւացած, հասակը չինարի դառած. . .
Օր ու գիշեր աշխատում էր, որ ոչ մէկ տը-
ղից յետ ջրմնայ, թէ խաղալում, թէ կաչելում,
թէ որս անելում, թէ մարդավարութենում,
թէ տան ու տեղի հոգս քաշելում: Քանի որ
փոքր էի, ես չէի փախչում նրանից, խօսում
էլ էի հետը: Մէկ օր հարցրի, ասեցի՝ «բա
չե՞ս յոգնում, որ էղքան դէս ու դէն ես ընկ-
նում» . . . Նա թէ՝ «Չէ, 0սան քան, երբ որ
քեզ տեսնում եմ, թէ յոգնած եմ լինում,
հանգստանում եմ, թէ քաղցած՝ կշտանում,
թէ տիսուք՝ ուրախանում» . . .

— 0. . . սէրն ինչ ասես, թէ չի անիլ. . .

Ես էլ եմ սիրել, ես գիտեմ, ասաց Հոռոմիմը. . .

— Մէկ օր—շարունակեց 0սանան—մէկ
օր իմ մօրաքրոջ տանիցը գալիս էի, — իմ մօ-
րաքրոջը մի շատ պատուական կնիկ էր, գիր
էլ գիտէր, նա ինձ համ գիր էր սովորեցնում,
համ կար ու գործ.—Հա, իմ մօրաքրոջ տա-
նիցը գալիս էի գուշա անելով, գիրս էլ կը-
ուանս տակին, հէնց որ հասայ մեր տան ներ-
քեւը մի ձոր կայ, էն ձորը, մէկ էլ տեսնեմ
Ուստոմը, թուանքն ուսին, եկաւ առաջն: Տեզ
ջրկար, որ թաք էի կացել, մնացի սառած,
աչքերս գետնին գցած, կանգնած: Ես հիմի
հասկանում էի ամեն բան, գիտէի, որ նշա-
նածիցը պէտք է փախչել, պէտք է ջխօսքան
կենալ: Ուստոմը տեսաւ, որ ես շատ ամաչեցի,
մի քիչ յետ կանգնեց, ու թէ՝ «Մի ամաչիլ,
0սանա ջան. . . էղ ինչ է կուանըդ տակին
դրած, գիր ես սովորո՞ւմ, կուս խօմ չե՞ս դառ-
նալու»: Ես գլուխս շարժեցի: Նա թէ՝ «Էլ
ինչո՞ւ ես գլուխդ օրօրում», կամ հա՞ ասա,
կամ չէ»: Վերջը երբ որ տեսաւ, թէ ես ոչ
խօսում եմ, ոչ գլուխս բարձրացնում, «Ականջ
գիր, ասեց, 0սանա, տես ինչ եմ ուզում ասել
քեզ: Ես ոչ հէր ունիմ, ոչ քոյր, ոչ ախաղէր,

մի մէր ունիմ միայն, որ ինչքան ինձ է սիրում, էնքան էլ քեզ: Մենք դեռ շատ փոքր ենք էլել, որ մեղ նշնել են, հիմի մեծացել ենք, խելքի հասել, կարող ենք ես էլ դու էլ ըլհամաձայնել, եթէ չուզենանք, ըստիրենք մէկ մէկու: Ես լսել եմ, որ քո հէրը մի քանի տեղ ասել է. «Իմ աղջիկը նշանած չէ»: Քո հէրը մէկ շատ իր ասածի մարդ է, մէկ որ «չէ» ասեց, էլ ողջ աշխարհքը նրան չի կարող «հա» ասել տալ: Բայց ես չեմ վախում, քանի որ ես կենդանի եմ, ոչով կարող չէ քո մէկ մազին դիպչի, միայն թէ ես գիտենամ, որ քո խօսքն ու սիրտն ինձ հետ է: Դէ հիմի ինձ ասա, մէկ իմանամ, տեսնեմ դու էլ ինձ սիրում ես, թէ մենակ ես եմ գժուել, որ ոչ գիշերն ունիմ քուն, ոչ ցերեկը հանգիստ. . . Այս, կրակն էլի լաւ է, մէկ անգամ էրում է պլծնում».

«Ես, ճշմարիտ է, շատ ամազում էի, բայց սիրտ արի, գլուխս բարձրացրի, որ մըտիկ տամ Ոստոմի երեսին, ասեմ: «Ես քեզ սիրում եմ; իմը դու ես որ կա, ինչ անելու ես, արա. կուզես վախցրծւ, կուզես սպանիր,

որ ուրիշի ձեռք ընկնիմ. . . Բայց Ոստոմի սկրթնած երեսը, աչքերից կաթկթելիս արտասունքը որ ըրտեսայ, գլուխս շշմեց, ձեռներս թուզացաւ, գուլբէն ձեռփաց վէր ընկաւ, կրուցայ թէ վեր կանեմ, աչքերս մթնեց, վէր ընկայ. . . Յետոյ իմացայ, որ երբ որ ես թուզացած վէր եմ ընկել, Ոստոմն ամաչել է, թէ վերցնի, վազել է մօրն իմաց տուել, որ շուտ գայ ինձ օգնի. . .

«Վերջապէս՝ էլ ինչ գլուխդ ցաւացնեմ: Իմ հէրն էստեղ մի բարեկամ ունի, Օվակիմ է անունը: Պէտք է որ ճանաչես, մեզանից մօտիկ են կենում. . .

— Սօփիոյի մարդին չես ասում: գիտեմ, ինչպէս չէ. . .

— Հա, հէնց նա ինքը: Դա մի շատ կարդացած մարդ է. իրանից գրքեր է հանում, բաներ է գրում. . . Ինչ եւ իցէ: Եգ Օվակիմը ամեն բաղաքաղի ժամանակ գալիս էր մեր տուն, մի քանի օր մնում էր, ինձ դաս էր տալիս, քաղքիցը բաներ էր առնում ուզարկում, մի խօսքով ինձ շատ էր սիրում, ասում էր՝ քեզ ես պիտի մարդի տամ, բայց ում որ

գու հաւանես, ես էլ հաւանեմ, նրան կը առամ։
Մի բաղաքաղի ժամանակ էլ եկաւ մեր տուն։
Իրիկնահացից յետոյ՝ իմ հէրն ու դա մի մի
բարձի վրայ թինկը տուին ու սկսեցին զրից
անել։ Վերջը էս Օվակիմը խօսքն ինձ վերայ
բերաւ, թէ՝ «Դիտես ինչ է, Աւետիք, մեր
Օսանէն գեղի յարմար աղջիկ չէ։ Ափսոս չէ,
էսպէս սիրուն շարմաղ աղջիկը գղումը
թողնել։

«Օվակիմի էս խօսքի վերայ հէրս մի ա-
ռակ տաեց, թէ՝ «Մի թագաւոր երեք տղայ
է ունեցել, երեքին էլ խրատ է տուել, թէ՝
որ բաղաք, որ գեղ որ գնալ, ամեն տեղ ձեզ
համար մի տուն շինեցէք։ Մեծ ու միջնակ
տղէքը ամեն տեղ էլ ահագին պալատներ են
շինում, մեծ փող ծախսում, բայց փոքր տղէն
ոչ մի տուն չի շինում, միայն ուր որ գնում
է, մէկին իրան բարեկամ է շինում։ Մէկ տեղ
խաչեղբայր է դառնում, մի տեղ կնքահայր,
մի տեղ մէկին մի բարերարութիւն է անում, մի
ուրիշ տեղ ուրիշ տեսակ բարովթիւն անում։
Էսպէսով ամեն տեղ էլ իր լաւութիւնով մի
պատշաճաստի տուն է գտնում իր համար։

Թագաւորը վերջը փոքրին է գովում, թէ
«Իմ միտքն էլ հէնց էդ էր» . . . Հիմի նրանը
ըլլինի, Օվակիմ, իմ միտքն էլ հէնց էդ է։
Ուզում եմ Օսանին քաղաքումը մարդի տամ,
որ քաղաք գնացած ժամանակս էնտեղ մի
տում ունենամ, չըգնամ թաւումը վէր գամ,
ախուտումը քնեմ ուրիշների պէս։ Նորհակալ
եմ, քո տան դուռը միշտ բաց է ինձ համար,
բայց քո կնիկը ոչ իմ տրեխներս կըհանէ, ոչ
ոտներս կըլուանայ. երբ որ աղջիկս կըլի, նա
ամեն բանն էլ կանի»։ Էս ասեց հէրս ու
դուրս գնաց, որ աեսնէ՝ շներն ում վրայ են
հաշում. . .

— Դու ուրիշ տեղ տուն չես կարող շի-
նիլ, անմեղ տեղը քու տունն էլ կըքանդես. . .

«Էս իմ մօր ասած խօսքն է, որ մտիցս
չի ընկնում։ Էն օրուանից մինչեւ հիմի որ
ահա տասը տարի է, իմ հէրը չորս տեղ տուն
է շինել, բայց ոչ մէկումը իր սիրտը չի տա-
լիս, որ մի գիշեր պառկի. . . Ինձ տուաւ էս-
տեղ, որ տեսնում ես ինչպէս խալք են, մար-
դի բերնի թիքէքը համբում են, միւս երեք
քուրս էլ տուել է ուրիշ ուրիշ գեղերում,

մԵկը մԵկէլից վատ պեղ, օրուան հացի կարօտ:
«Երբ որ հէրս դուրս գնաց դուռը, Օ-
վակիմն սկսեց.—Նիմի դու ի՞նչ կասես, Օսա-
նա, կուզե՞ս, որ քեզ համար քաղքումը լաւ
տղայ, խելօք տղայ գտնեմ. . .

«Ես առաջ չըխօսեցի, մտիկ տուի մօրս
երեսին, տեսայ, որ նա հաւան չէ նրանց ա-
սածին, բայց վախում է, ոչինչ չի ասում: Դրա
վերայ, ես սիրու արի ասեցի—Բիձա,
դու խօմ գիտես, որ ես նշնուած եմ, ինչու
ես իմ հօր սիրտը պղտորում: Նա թէ՝ գիտ-
խօմ չե՞ս, աղջի, փոքր ժամանակդ օրօրոցիդ
վրայ թուրքի պէս խազ են քաշել, էդ ի՞նչ
նշնել է. Հիմի դու մեծացել ես, խելքի ես
հասել, կարող ես քո սրտի ուզածին գնալ:
Նիմա դու սիրմամ ես Ուստումին:—Ուստումը
շատ լաւ տղայ է, բիձա, ով չի սիրիլ նրան,
ասացի. . .

—Հա. . . դէ որ բանն էդ տեղն է հա-
սել, էլ ես չեմ խառնովիլ, ես մեղայ Ասսու-
ծոյ. . . Ես ու իմ Աստուածը, գիտ գչղցի
պիտի ըլի, որ քաղքցուն երանի տայ, քաղա-
քին թամահ անի: Խելօք մարդը գեղումը

հազար վառքով լաւ կապրի քան թէ քաղքումը,
բայց որ գեղղցիք իրանք կոպիտ են, չեն ի-
մանում մարդավարի ապրիլը, ով է մեղաւոր:
Մէկ ասող լինի դրանց՝ այ օրհնուած մար-
դիկ, ջուրը խօմ փողով չէ, ինչու չէք ձեզ
խսուկ, մաքուր պահում. . . Մի կարգ, մի
կանոն չըկայ. անասունի պէս ուտում են, ա-
նասունի պէս մեծանում: Որը բուղի նման
շմկը հաստացնում է, գոռում, գոչում,
գըլուխը հողերին, քարերին խփում, կատաղում
մարդի միս ուտում, որը լդարում է քոսոտ
ձիու նման սրան նրան կեղտոտում, ցատվ
գցում. . .

«Ես խօսքի վրայ հէրս դռնիցը տուն մտաւ:
—Էդ ի՞նչ է, Օվակիմ, էլի չարացել ես:
—Չեմ չարացել, Օսանին խրատում եմ,
որ դուինչպէս կըհրամայես, նա էլէնպէս անի...
—Տեսնես Օսանի բերնին ով է մտիկ ա-
նում, ով է նրան բան հարցնում: Իմ աղջիկը
չի, ձեռքիցը կը բռնեմ, ում ուզենամ, նրան
կըտամ. . .

—Դու կըտաս, ես գիտեմ քո բնութիւնը.
մէկ որ բարկանաս, էլ աջ ու ձախ չես մտիկ

տալ: Բայց չըմոռածնաս, որ դու էլ ես ջահէ-լովթիւն ունեցել, դու էլ ես մի ժամանակ սիրել ու սիրուել . . .

— Ինչե՞ր ես խօսում, Օվակիմ, չըլնի՞ թէ քեզ ջադու արին, քեզ բան ասեցին, միջնորդ գցեցին. . . — Քո խաթրը չըլինէր, ես հիմա դրանց կոտորել էի . . .

«Հօրս էս խօսքերի վերայ մենք իրար երեսի մտիկ տուինք, թէ սա ինչի՞ է բարկացած, մեղ ինչի՞ պիտի կոտորէր: Նրա բարկանալու պատճառը շների հաջոցն էր: Խոստոմը մթնի մէջը թաքուն եկել էր մեր տան հէրթի մօտ կուչ եկել, որ իմանայ, տեսնի իրան օգուտ են խօսում, թէ վնաս: Շները չէին ճանաչել, ոկտել էին հաչել: Նէրս վրայ է հասել, ճանաչել:

«Միւս օրը, երբ որ Օվակիմը վաղ առաւտուն ճանապարհ ընկաւ դէպի քաղաք, հէրըս սկսեց երեւացնել իր բարկովթիւնը: Հայի ժամանակ էր, մէրս կերակուրը սլատրաստել էր, ինձ էլ ասեց, որ սուփրէն գոչեմ: Սուփրէն գցեցի, հաց, սոխ, պամիր, մածուն, ինչ կար չըկար տանը, մէջ տեղ բերի, որ նրանով

հօրս սիրու շահեմ: Բայց նա հայի ընստեց: «Ինչպէս որ երկինքը, երբ որ կարկուտ կամ սելաւ է լինում տալու՝ առաջ մթնում է ու սեւանում, ամպերն սկսում են գոռալ, ու էստեղ էնտեղ պէծին պէծին է անում: Էգպէս էլ իմ հօր երեսը ամպեց ու մթնեց, որոտաց, աչքերը պէծին պէծին արին—ինչ ասեց, ինչ չասեց, չըգիտեմ, խանչալը որ կայծակի նման պսպղաց, ես թռայ ընկայ հօրըս գիրկը . . . Ել չըգիտեմ, ինչպէս էլաւ, որ Աստուած էգպէս շուտ ինձ խելք ու միտք, ուժ ու զօրութիւն տուաւ. . . մի աչքածպելումը մօրս գլուխը պիտի թռչէր, թէ որ մի քիչ ուշ կտրէի հօրս առաջը . . .

«Հօրըս ձեռիցը խանչալը վէր ընկաւ. . . մի կէս ժամ ոչինչ չըխօսեց. գոյնը դեղնեց, սփրթնեց, երեսը շուռ տուաւ դէպի աղօթարանը, խաչահանեց, «նահլաթ քեզ, չար սատանայ» ասեց ու խանչալը վեր կալաւ դրաւ տեղը՝ դուրս գնաց . . .

«Մէրս ինչպէս նստած էր, էնպէս էլ մընաց նստած, քարացածի նման: Երբ որ հէրըս դուրս գնաց, մէրս բարկացաւ ինձ վերայ,

թէ՝ «Քեզ ով ասեց մէջ ընկնիս, կըժողէիր
մէկ անգամից կազատուէի դրա ձեռփշը» . . .

«Մօրս թողեցի տանը նստած, ես դուքս
եկայ դուռը, որ տեսնեմ ուր է գնում հէրս:
Նա գնաց գեղամէջ, որտեղ մի քանի ուրիշ
մարդիկ էլ կային: Յետոյ դրանք ամենքն էլ
միատեղ գնացին մտան մի տուն: Տան տէրը
գինու նոր կարաս էր բաց արել, նրանց կան-
չեց, թէ՝ եկէք մի համն առնենք, տեսնենք
ինչպէս գինի է: Մէկ մէկ չափ գինի պիտի
խմեն, էդ՝ նրանց մտքով՝ համը պիտի առնեն: . . .

«Ճրագ վառելու ժամանակն էր, որ հէրս
եկաւ: Դեռ տուն ըրմուած, տաւրածի վերայ
բարկացաւ, նա էլ մի բան մահանա արաւ,
կշտիցը հեռացաւ, որ ծեծ չուտի, յետոյ հէ-
րըս տուն մտաւ: Մի երկու փէտ դրաւ կրակի
վերայ, կշտին նոտեց ու մկնեց ինքն իրան
խօսել: Ինչ էր խօսում, ես չէի իմանում, ե-
րեւում էր միայն, որ ինքն իրան շատ էր վիր-
աւորուած համարում, որ իր իշխանութիւնն
ուզում են ոտի տակ տալ, որ իրան մարդի
տեղ չեն գնում, չեն խոնարհում, չեն չնա-
զանդում առանց ձայն ծպտուն հանելու:

Վերջը խօսքը դէպի մօրս դարձրեց .

— Քեզ եմ ասում, այ կնիկ, դու ի՞նչ ի-
րաւունքով ես առանց իմ կամքի աղջիկ նըշ-
նում: գիշերուայ կիսին էն անպիտանն ի՞նչ
ունի մեր հերթի վերայ. կարելի է թէ մենք
մեր տանը մի թաքուն բան ունինք, չենք ու-
զում, որ աշխարհք խմանայ . . .

«Մէրս տեսաւ, որ սուս կենալով աւելի
կըբարկացնէ, սկսեց խօսել ու ասեց.

— Ինչի՞ ես քարացրել սիրտդ, այ մարդ,
ինչի՞ ես մոլորուել, խալիսին էլ դու ես խրա-
տում, հիմի ինչի՞ քո գլխին չես խրատում:
Ի՞նչ ես ուզում դու ինձանից, ես քեզ ի՞նչ
եմ արել: Էս դու, էս քո աղջիկը, ի՞նչ ուզում
ես արա, ով է քո ձեռքիցը բռնում: Է՛հ, ես
կարծում էի, թէ ես էլ սրա մէրն եմ, որ սա
ինչքան որ քոնն է, էնքան էլ իմն է. ինչպէս
դու, էնպէս էլ ես, չենք ուզում, որ սա ան-
բախտ լինի: Թէ որ կուզես, էլի միտք անենք
միատին, խելք խելքի տանք, ինչպէս որ լաւ
կըլինի մեր աղջկան համար, էնպէս անենք:
Հէնց համարենք, թէ նշանուած չէ, նոր ենք
ուզում նշանել: Ինձ որ մնայ, ես Ոռստոմիցը

լաւ տղայ չեմ ճանանջում մեր գեղումը,
մեզ մօտիկ, մեր ձեռի տակին, մեր աշքի ա-
ռաջին, մեր աղջիկն էլ նրան է հաւանում,
նրան է սիրում: Դու ինքդ էլ նրանում մի
փուտ չես գտնում, հէնց ուզում ես, որ ան-
բախտացնես երկուակն էլ . . .

«Մի խելօք մարդ որ լի էս խօսքերը,
կասէ՝ «Միթէ էնպէս մարդ կրգտնուի որ
դրա հակառակ մի բան ասէ. թէ որ կը
գտնուի, պէտք է որ էդ մարդը շատ յիմար
լինի»: Դու ինչ կասես, Հոռոմնիմ. . .

—Ես քո հօր մասին մի հաղար անգամ
լսած կըլինիմ իմ հօրից, թէ նրա նման խե-
լօք, ճարտար մարդ ըլիյա մեր գեղերումը,
ասեց Հոռոմնիմ: Իմ մաքով, պէտք է,
ոչինչ ըլխօսի, պէտք է որ հաւանի մօրըդ ա-
սածին: Բայց որ իմ հէրը լինէր, հէնց իրա
ձին կըքշէր, թէպէտ նա էլ յիմար մարդ չէ:
Մեր մարդիկն ամեն բանում խելօք են, բայց
մեզ հետ յիմար: Էդ նրանից է, որ մեզ յի-
մարի տեղ են դնում, կամ ոչինչ բանի տեղ
չեն դնում: Առաջ իրանք գժվում; մեզ ուզում
են, յետոյ ասում են, դուք սատանայ էք,

մեզ խաբեցիք: Դէ արի գրանց բան հասկա-
ցրու: Միտս է, շատ անգամ որ մէրս մի խելօք
բան էր ասում, հէրա չէր հաւանում, թէ
«կնկայ մազն երկէն կըլի, խելքը կարձ»:
Կնիկն ու ձին, ասում էր, մի համուկի են, կա-
պը որ ձեռիցդ թողեցիք, էլ նրանից քեզ խէր
չըկայ: Կնիկը որ կայ, սատանայ է, էնդուր
չեն վարդապետները կնիկ ուզում: Եւան աշ-
խարհքի տունը քանդեց, ամենքին էլ գժոխը
տարաւ: Կնիկ չէ՞ր, որ Օհաննէս Մկրտչի գլու-
խը կտրել ատւաւ, որ մինչեւ հիմա էլ ոչ մի
կնիկ չի կարող Ս. Կարապետի եկեղեցին ներս
գնալ: Մէկ օր ես իմ մարդին ասեցի, ասում
եմ՝ թէ որ կնիկը սատանայ է, մարդը հրեշ-
տակ, բա ինչի՞ գժոխըումը ոչ մի կնիկ չըկայ,
դիմ տղամարդիկ են: Նա մնաց սուս կացած,
յետոյ թէ՝ էդ անկարելի է, երեւի լաւ չեն
վնատրել գժոխըի քունջ ու պուճախը, մէկ էլ
թէ՝ սատանէն սատանի լինին է պէտք, նրա
հացը կըկտրի. . . Խնչ որ է, յետոյ քու հէրն
ինչ ասեց . . .

— Այ կնիկ, ասեց, էդ էր մնացէլ, որ
դու ինձ խրատ տաս: Դու քիչ քիչ ինձ մար-

դութիւն էլ կանես, քու լաջակը կըգցես իմ
գլխին, իմ փափախը կըդնես քո գլխին։ Եղ
չէ քու ուղածը։ Բայց դու չես գիտում, որ
ես կնկայ ինելքով ապրողներից չեմ. . . Հա-
նեցէք էգ մանէթը, յետ ուղարկեցէք, թէ չէ^o
էս սհաթիս երկուսիդ էլ կտոր կտոր կանեմ։
Յետոյ ինձ վերայ բարկացաւ, թէ՝ «Գիտե՞ս
քեզ ինչ կանեմ, թէ որ այսուհետեւ տանից
գուրս ես եկել, կամ էն տղի աչքումն երեւա-
ցել. քեզ ոչ թէ խանջալով, սղոցով կըմոր-
թեմ քեզ։ Դէ, շուտ, հանիր էդ վողը շնչիցդ։

«Ես մնացի սառած, սփրթնած, շիմացայ
թէ ինչ անեմ։ Մէրս արտասունքն աչքերին
վեր կացաւ հանեց նշանս տուաւ իրան, նա
էլ տուաւ տաւարածին, որ տանի յետ տայ։
Էդ ժամանակը էլ ես շիմացայ, թէ ինչ ասեց
մէրս, մէկ էլ էն տեսայ, որ գետնի վերայ
փուռեց։ Ես քանի ջանումն ջան կար, բղաւեցի
ու ընկայ հօրս խրտիտը. հէրս ինձ շպռտեց
պատովը տուաւ։ Էլ այնուհետեւ ես չեմ իմա-
ցել, թէ ինչ է անց կացել մեր տանը։ Երեք
օր անց կացած լսեցի ամեն բան։ Երբ հէրս
ինձ պատովն է տալիս, գլուխս պատռվում է,

ես մնում եմ թուլացած, վէր ընկած։ Հա-
րեւանները լսում են, գալիս են տեսնում ես
մի տեղ եմ վէր ընկած, մէրս մի տեղ, հէրս
մնացել է երկուսիս մէջ տեղը շուարած կանգ-
նած. . . Մէր յիմար տաւարածն էլ, որ տես-
նում է բանն ինչպէս է, համ տանում է նշա-
նը տալիս Ոստոմին, համ ասում. «Էլ այսու-
հետեւ ապրում ես ինչ անես, Աւետիքը քու
խաթրուիր կնկանն էլ սպանեց, աղջկանն էլ»...
Ոստոմի խելքը գլխիցը թոշում է։ Վրայ է
ընկնում լիքը դարանչէն տեղիցը վեր բերում,
սրտին բռնում. «Դորդ ես ասում, ասում է,
էլ այսուհետեւ ում համար պիտի ապրեմ,
էս ասեն ու դաբանչի կրակ տալը մէկ է
անում. . .

— Վայ, վայ, վայ. . . Խեղճ տղայ, բա-
ցագանչեց Հոռոմիմը։ Հիմի նրա մէրն ինչ
կանէր, մինումար որդուցը զրկուած. . .

— Մէրը գժուեց. . . Ի՞նչ որ նա էր
անում, Աստուած ոչ նշանց տայ. . . Լաւ էր որ
շատ չապրեց, մի շաբաթ չըքաշեց, նա էլ մեռաւ։

— Խեղճ կնիկ։ Լաւ է որ մէրդ ազա-
տուել է մահից։

—Մէրս շուտ յըլաւցաւ. դրա վերայ նա մէկ տարուց աւելի պառկած մնաց. հէրս բժիշկ բերել տուաւ լաւցընց: Խնձ էլ յետոյ բերին էստեղ մարդու տուին. . .

—Դուք որ շատ սիրում էիք մէկ մէկու, ի՞նչու Խոստոմը քեզ չէր փախցնում:

—Եդ անկարելի էր, իմ հէրն էն ժամանակը ինձ էլ նրա հետ կըսպանէր. . . Հաբա: Հիմի տասը տարի է, որ ես մեր տանը չեմ էլել, մօրս երեսը չեմ տեսել, ախալէր ունիմ, որ ասում են գեղումը լաւ կարդում է, չեմ տեսել. որ միտս է ընկնում մեր սարերի հով հով տեղերը, ցուրտ ցուրտ աղբիւրները, աղվան ալվան ծաղկները, հալիտում, մաշվում եմ կարօտից: Էս քանի ժամանակ է, հազում եմ, սրտից արիւն է գալիս, ես գիտեմ, որ շատ չեմ ապրիլ. . .

—Դէ լաւ է, դարդ մի անիլ: Մեր Մանուէլն ասում է, Արութիւնը պիտի գայ քաղաք, գլուխս տարել է, ասում է Օսանին հարցըու, տես երբ պիտի գայ: Դէ լաւ է, աչքերդ սրբի. . . Կոպիտ են, կոպիտ մեր գեղցիք: Մանուէլը նրանց լաւ է նախշում:

Էս օր մէյդանումն էի, ասում է, մեր գեղիցը մարդիկ էին եկել. ասում եմ՝ «բարով էք եկել, ի՞նչ էք անում, ինչպէս էք». «Փառք Աստուծոյ, ասում են, լաւ ենք, պահել է բարի աղօթքըդ, դու ինչպէս ես, ինչքան փող ես աշխատել» . . . Եդ ախմախներն, ասում է, էլ չեն ասում, թէ ի՞նչ ես սովորել, ասում են՝ ինչքան փող ես աշխատել: Ասում եմ, հօրս ասացէք մի քիչ ալիւր, բան ուզարկի, էստեղ քաղաք տեղ է, ամեն բան փողով են առնում: Քեզ, ասում են, ախպէրք ունիս, նրանք քո նօքարը խօմ չեն, որ քեզ համար վարեն, ցանեն, կասեն, աղան, բերեն քեզ տան, որ դու ուստես, քեզ համար մարդ դառնաս, յետոյ գաս ասես, ինչ որ հօրական ապրանք ունինք, կեսն իմն է: Նրէն, ասում են, Ներկարարի տղէն էլ է ուսում առել, էլ հօրն ու մօրը չի ճանաչում: Հօր վերայ բարկանում է, թէ «Երբ որ տեսնում ես թէ ինձ հետ աղամարդիկ են խօսում, դու ինչի՞ ես միրուքդ տմբտմբացնելով մէջտեղ գալիս, որ տեսնեն, թէ ես ում տղէն եմ» . . . Ասում եմ, ես էնպէս յիմար չեմ լինիլ, թող ես լաւ մարդ

դառնամ, ես իմ հօր տղէն լինելս ինձ համար պարծանք կը համարեմ, ձեզ ամեն մէկիդ աշքիս լուսի նման կը սիրեմ. . . Ինձ յեն հաւատում, ասում են՝ «միշտ էդպէս են ասում, յետոյ գալիս են մեր գլխին աղա դառնում». . .

Դեռ Հոռոմիմն իր պատմութիւնը չէր աւարտել, յանկարծ ներս վազեց մի պատմնի՝ կարմրած, քրտնած, երեւում էր, որ շատ էր վազել, որովհետեւ չէր կարողանում շնչառութիւնը հանդարտեցնել:

— Ահա եկաւ մեր աղան, ասաց Հոռոմիմի, ասած է՝ «Սնունը տուր, խալիչէն գցիր» . . . Ի՞նչ կայ, ինչի՞ ես էդպէս կարմրել, Մանուէլ . . .

— Եկել եմ «անկաջաբռնուկ», ասաց Մանուէլ եւ վրայ ընկաւ Օսանի ականջիցը պինդ բռնեց: — Ասա, անկաջաբռնուկ ի՞նչ պիտի տաս.

— Մանուէլ ջան, կամանց հուպ տուր, հէնց ապրես, անկաջս ցաւում է, ասաց Օսանան:

— Ես էդպէս բաներ ցրգիտեմ, ասա. . .

— Եթէ լաւ բան կրլի, եթէ կամ ախպէրս կրլի եկած, կամ մէրըս, ես քեզ համար մի շատ լաւ ժամաշապիկ կը կարեմ. խաչերով, զառերով, նախշերով. . . Դէ ասա. . .

— Արութիւնը եկել է . . .

— Կորդ ես ասում. բա դու որտեղ տեսար, ինչի՞ ըլքերիր ինձ մօտ . . .

— Այ ինչպէս տեսայ, անկաջ դրէք, պատմեմ: Ուսումնարանից դուրս եկած՝ տուն էի գալիս, մէկ էլ տեսնեմ մի տղայ՝ խորդինը շալակին, մնացել է Նամքուեցաց եկեղեցու մօտ, շլնքը դէս ու դէն ծովուելով՝ կանգնած: Սիրտս ասեց՝ մէկ գնա տես էդ ով է: Վազեցի մօտը, տեսնեմ—մեր Արութիւնը . . .

— Վո՞յ քուանամ ես, ով գիտէ ճամբէն կորցրել էր . . .

— Դէ համբերիր ասեմ է . . . Արութիւն, ասում եմ, էդ դու ես. . . Էլ ի՞նչ ասեմ, էլ ով կարայ մեր ուրախութիւնը լեզուով տսել: Վերջապէս հարցնում եմ, թէ էդ ի՞նչ է, ուր ես տանում: Նա թէ՝ «Դործակալի մօտ պիտի տանեմ էս բաները, տունը չեմ գտնում». . . Խորդինը ձեռիցն առայ, ուսովս գցեցի, ասեցի՝ դու յոգնած կրլիս, թող մի քիչ էլ ես տանեմ: Բաները տարանք գործակալենց տունը, էնտեղից էլ գնացինք թավլէն գտանք: Տէրտէրին ասում եմ՝ մենակ ինչու էիր ուղար-

կում էս խամ երեխին. նա թէ՝ «Ճշմարիտ է,
ուղարկեցի, բայց մէկ էլ փոշմանեցի, ասած է՝
«Երեխին բանի դիր, եղնէն գնա» . . . Ա՛պ-
րես, ապրես, ասում է, որ Արութիւնիս օգ-
նել ես: Յետոյ հարցրեց, թէ դու ում տղէն
ես, ես էլ ասեցի, նա էլ գլխիս պահպանիչ
ասեց, շատ լաւ տէրտէր է. . .

— Յետոյ ուր գնացին, բա ինչու ըրբերիր
Արութիւնին . . .

— Յետոյ նրանք գնացին Օվակիմենց տու-
նը, ես էլ միտս ջրնկաւ, որ ուրիշի տուն են
գնում, ինքս էլ գնացի Արութիւնի հետ: Ու-
ղեցի էնտեղից շուտ գամ, քեզ իմաց տամ,
Սօվինս ըրթողեց, թէ կաց Արութիւնի մօտ
միասին չայ կըխմէք. . . Նատ լաւ կնիկ է էդ
Սօվինս. . . Օվակիմն էլ է լաւ մարդ, ասում
են, շատ գիտուն է. . . Արութիւնից մի քա-
նի բան հարցրեց. Արութիւնն էլ շատ լաւ
պատասխան տուաւ. . . արա ի՞նչ պիտի ասեն
նրան, որ նա չըգիտենայ, աշխարհքիս տակ
ու գլուխը գիտէ. . . Օվակիմը շատ գովեց.
«Ա՛պրես, ապրես, ասեց, ես գիտէի, որ դու խե-
լօք տղայ պիտի դառնաս, ասած է՝ «լաւ եղը մօր

ծծին կերեւայ, լաւ երեխէն՝ օրօրոցումը» . . .

— Դէ աչքդ լուս, Օսանա, ասաց Հոռոմ-
սիմը: Նիմի ախապէրդ եկաւ, էլ Էնքան չես
տփրիլ, պահիր մօտդ, Մանուէլի հետ միասին
կերթան Վանքի ուսումնարանը. . . Դէ մնաս
բարով, հիմի սկեսուրդ կըգայ, կատէ էս ի՞նչ
է, միշտ մեր տանն է նստած, ով գիտէ՝ ին-
չեր կըլի խրատ տալիս հարսիս. . .

— Ես հիմի կերթամ կըտեսնեմ ախապօրս,
թէ որ տէրտէրը կըթողնի, կըբերեմ ինձ մօտ. . .
Ա՛պրես, ապրես, Մանուէլ ջան, որ ինձ ուրա-
խացրիր. . . Ժամաշապիկդ չեմ մոռանալ, ա-
սածս ասած է. . .

— Քեզանից ժամաշապիկ չեմ ուզում,
միայն թէ Արութիւնին պահես մօտդ, էլ չը-
թողնես գեղը գնայ, ասաց Մանուէլը եւ գուրս
գնաց քրոջ հետ. . .



չորս կողմով շարուած դուքաններում սկսան
վառուել ճրագները եւ կշեռքները մին քան
զմիաը բարձր ձայնով ջրբխկալ։ Որն սկսաւ
կանչել — Մօժալի՛ . . . կայի մօժալի՛ . . . որը՝
«Խրամուլի՛ . . . խրամուլի՛ . . . » որն էլ «Աքա,
ահա, բզաւելով՝ զրնգացնում էր կախ տուած
փոքրիկ զանգակը եւ կշեռքը դարտակ ջրբխ-
կացնում . . .

Ով ինչ բարիք որ ունէր վաճառելու, իւր
ձայնի ուժովք հրաւիրում էր գնողներին։ Կա-
նաչի ծախողն անգամ իւր ձայնի բոլոր ուժը
մի տեղ հաւաքած բղաւում էր — Լաւ կանան-
չին, լաւ կանանչին, օ-հօ-հօ-հօ. . . սրան
է . . . : Մի բարակ եւ քաղցր եղանակ միայն
մանրունքի խանութների առջեւկոց էր լսվում,
ուր նստած էին երեխայք, եւ մի սեղան՝ խունկ
ու մոմ վերան՝ առջեւները դրած՝ հրաւիրում
էին տուն գնացող պարոն ուստաներին, որ
խունկ ու մոմ առնեն եւ հրաւիրում էին
երգելով՝

Համեցէք, ուստէք,
Խունկ ու մոմ տարէք
Հոգու վարձք արէք . . .

Ե.

ՆԱԽԸՆԹԱՅ ԳԼԽԻ ՍԿԻԶԲԸ



աբաթ երեկոյին Հավաբարի
մէյդանից մօտիկ տներից մի-
նի պատշգամբի վերայ նրա-
տել էր Արութիւնը եւ անտ-
կընթարթնայում էր մէյդա-
նում անդ ու դարձ անող
մարդկանցը, որոնցից որը դը-
րօշկումը նատած, փափախը
թեք դրած, պապիրոսը բեր-
նին՝ շտապեցնում էր դրօշ-
կապանին, որը սոսով էր վա-
զում դէս ու դէն։
Քիչ քիչ մութը վրայ հասաւ, մէյդանի

Այսպէս՝ բարակ ու հաստ, քաղցր ու կոպիտ, բարձր ու ցածր ձախները դրօշկաների գուգուցի ու զանգալիների զօղանջիւնի հետ խառնուած՝ դրմբացնում էին քաղաքը եւ ապշեցնում Արութիւնին։ Այն՝ որ մի նուրբ ճաշակ ունեցողին կարող էր ճանձրութիւն պատճառել, Արութիւնին հիացնում էր։ Նա ինքն իրան մոռացել էր եւ դեռ եւս շատ կընսուէր դրսումը, եթէ ներսից Օվակիմը չըկանչէր նրան։

— Արի՞ ներս, Արութիւն, արի, առաց Օվակիմը. ես էգուց քեզ կըտանեմ քաղաքը ման կածեմ, ինչ կայ, չըկայ, դիփ էլ կըտեսնես։

Վեր կացաւ Արութիւնը եւ մտաւ ներս, ուր տէր հայրը նստած էր տախտի վերի ծայրին։ Տախտի գիմաց դրուած էին մի քանի հասարակ աթոռներ եւ մի գրասեղան։ Արութիւնը նստեց գրասեղանի մօտ, ուր մի քանի հատոր գրքեր կային գրուած։ Արութիւնը հետաքրքրութեամբ նայեց գրքերի վերնագրերին, նրանցից մէկը վերցրեց եւ սկսեց լուռ կարդալ։ Գիրքն հասարակ բարբառով էր գրուած։ Առաջին անգամ պատահելով իրան բոլորովին հասկանալի բարբառով գրուած մի գրքի, Արութիւնը յը-

կարողացաւ իւր զգացած հոգեկան գուարձութիւնն այնքան ծածկել, որ Օվակիմը յընկատէր։

— Արութիւն, ես տեսնում եմ, որ քեզ շատ գրաւեց էգ գիրքը, աբա մէկ բարձր կարդա, տեսնեմ ինպէս ես կարգում։

— Ո՞ր երեսից սկսեմ, հարցրեց Արութիւնը։

— Հէնց էգ կարդա, ինչ որ կարդում էիր…

Արութիւնն սկսեց կարդալ հետագայ տողերը։

«Քաղաք որ մտնում եմ, հէնց իմանաս, թէ աշխարհք սով ա ընկել. էլ ոչ խէր կայ, ոչ բարաքեաթ։ Հացն ու ջուրն էլ որ փողով ըլին ծախում ու առնում, էլ ում դուռը գընաս, ում ձեռըդ դէմ անես։ Բազի վախտ էլ տեսել եմ» որ դուքաններումը, կիտուկ կիտուկ մանէթները, ոսկին ածած՝ ամեն մէկ փող համբելիս՝ էնպէս գիտես՝ թէ փողատիրոնց հոգին հետն ա դուս գալիս. Էնպէս են սրարթում իրանց խազինի վրայ, հէնց իմանաս՝ թէ առաջներիցը թեւ կառնի, կըթռչի։ Մէկ ձեռդ դէմ արա, շան որթի ըլիմ, ոչ մէկ բուռը հողի արժանանամ՝ թէ սուտ ըլիմ ասում։ Աստուած, երկինք, գետինք, ծով, ցա-

մաք, մէկ ծեղ էլ չեն տալ, որ աչքդ կոխես:
Թուհ, մարդ իրա հոգին պէտք է ծախի, որ
փառի թամահ անի: Հազար տարի էլ՝ որ քու
ազիզ սիրելու դրանն էլ՝ շմբնքդ ծռես, կանգ-
նես, սովու մեռնիս, հազար տարի անօթի
փորով գիւտաս, մէկն էլ ա քեզ տուն չի կան-
չի, մէկ սաւը ջուր խմացնի:

«Են մարդն էլ՝ որ քու տանը կերել,
խմել, ամսով, տարով քու աղ ու հայր վրայ է
էլել, աչքը աչքիդ առնելիս՝ հէնց գիտես՝ թէ
գուլով խիեցին: Եղեւն ա քեզ դէմ անում,
ու աչքը քամակը գցում: Տօ, փողդ էլ ջհան-
գամը գնայ, դու էլ, տօ, զուռումաղ, ա-
սենք թէ աչքդ ա քօռացել, ինձ չես ուզում՝
որ ճանաչես կամ սուիրիդ զրազը նշանց տաս,
տօ, գլխիդ քար ընկնի, ինչ կերել ես, քթովդ
դուս գայ, ինդրել եմ Աստուածանից՝ զահրը-
մարըի, էն վինիւմը առաջդ գայ, աչքերդ բռնի,
տօ, մէկ բարով—Աստծու բարին էլ ա գլխիցդ
դհաթ էլել, որ դռնչդ ցցում ես, ու եղ փախ-
չում: Մէկ բարի լիս, բարի օր էլ ա տուր է. հօ
բերնիցդ քրէհ չեն ուղրում, ինչ ես քարացել, էդ
էլ հօ փողով չի, այ փողակեր, հողակեր . . .

— էդ ինչ գիրք է, հարցրեց տէր հայրը,
միջահատելով Արութիւնի կարգալը:
— «Վէ՛ր ՀԱՅԱՍՏԱՆԻ», — պատասխա-
նեց Օվակիմը վէրք բառին մի ցաւակցական ձայն
տալով—դա մի շատ պատռական գիրք է,
նոր է տպուել, բայց ափսո՞ս, որ մեր ժողո-
վորդի մէջ չի տարածվամ էդպէս գիրքը:

— Թէ որ էժան է, ես մի հատ կառնեմ,
եւ կարծեմ ամեն մարդ էլ կառնի:

— Բանն էժանութեան վրայ չէ, տէր
հայր, մեր ժողովրդի ճաշակը խանգարուած
է, նա սուացել է միջնասէր ու խաւարասէր
բնութիւն, նրան եթէ էնպէս բան է ասվում,
որ իրա խելքիցը բարձր է ու ինքը յի հաս-
կանում ոչ նրա լեզուն, ոչ միտքը, բերանիցը
ջուր է գնում, զմայլում, զարմանում է, գո-
վում, բարձրացնում, թէ տեսէք, էնպէս բան
ասեց, որ ոչով լրհասկացաւ, բայց եթէ իրան
օգուտ, հասկանակի ու խելքիցը մօտիկ բան
ես ասում, ծիծազում է վերագ, ասում է, էդ
ով լրգիտէ, որ էդպէս է, էդպէս հէքեաթ-
ներ ես հազարը գիտեմ. . . Բայց, ի հարկէ,
երբ որ էդպէս գրքերը կըշատանան, մեր նոր

սերնդի աչքը կըբացուի, կըտեսնի, որ հնիցն
էլ օգուտ ըլկայ, գրաբառը յետ կըբաշուի, իր
տեղն աշխարհաբարին կըտայ, էն ժամանակը
էդպէս գրքերն էլ կըտանան իրանց վայելուշ
յարգն ու պատիւը: Դրա գրողը մի ճշմարիտ
ազգասէր, մի երեւելի տաղանտի տէր մարդ
է եղել: Պէտք է մի հարիւր տարի անց կենայ,
որ էդպէս մի գրող էլի դուրս գայ հայերից:
Ով որ մօտիկ ծանօթ է մեր ժողովրդի կեան-
քին, մի զարգացած լսելք ու միտք ունի ու
սիրող սիրտ, միայն նա կարող է հասկանալ,
որ էդ գրքի խօսքերը հեղինակի սրտի արիւ-
նովն է գրուած: Էդ հեշտ բան չէ, բայց
ուսմիկ ժողովուրդը ծիծաղում է էն խօսքերը
կարդալիս, որ հեղինակի աչքերից արտասովնք
են բերել . . . է՞հ, ինչ եւ իցէ . . . Դու,
Արութիւն, հաւաննւմ ես էդ գիրքը:

Արութիւնը ոչինչ ըրխօսեց, բայց այն ան-
մեղ ժպիտը եւ ամօթիսածութիւնով լի անկա-
նոն շարժուածքը, որ նա երեւացրեց, գա
նշան էր խորին համաձայնութեան . . .

— Քեզ եմ բաշխել էդ գիրքը, ասաց Օվա-
կիմը, — քանի որ փոքր ես, էդ գիրքը քեզ համ

կուրախացնի, համ կըտրումացնի. բայց երբ որ
կըմեծանաս, էն ժամանակն էլ ուրիշ տեսակ
մտածմունքների մէջ կըձգի քեզ . . .

Արութիւնն իր հոգու մէջ անչափ շնոր-
հակալ եղաւ Օվակիմից, բայց բերանացի ըլ
կարողացաւ արտայայտել:

Սյս միջոցին ներս մտաւ Օվակիմի կինը՝
Սօփիօն, նրա հետ մտաւ եւ մի ուրիշ ջահէլ
կինարմատ, մաքուր ու պարկեշտ հագնուած,
քնքուշ ու գեղեցիկ դէմքով, եւ գգուեց Արու-
թիւնին մի այնպիսի ջերմ սիրով, որպիսին
սակաւ եղբայր ստացած կըլինի իր քրոջից:
Սյո՛, անձանօթուհին Արութիւնի քոյրը՝ Օսա-
նան էր, որի աչքերի յորդ արտասուքը, քաղցր
ժպիտի հետ խառնուած, ցոյց էր տալիս նրա
ուրախութեան յուզմունքի անչափութիւնը: Մի
քանի րոպէտ տիրեց լուութիւն, եւ ապա խօ-
սեց Օսանան եւ խնդրեց տէր հօրից, որ թոյլ
տայ Արութիւնին իր մօտ տանելու: Տէր հայ-
րը կատարեց նրա խնդիրը, եւ մի քառորդ
ժամ չանցած, Արութիւնը դուրս եկաւ Օվա-
կիմի տանից՝ մի ձեռքում «Վէրք Հայաստանին»
բռնած, իսկ միւս ձեռքը իր քուորը տուած. . .

— Օվակիմ, Էդ աղջիկը ձեռիցս ըլխի՞
Արութիւնիս, հարցրեց տէր հայրը, երբ որ
քոյր ու եղայր դուրս էին եկել արդէն. . .

— Խլում են, թող խեն, ի՞նչ ես դարդ
անում, ասաց Օվակիմը. Էստեղ քաղաք տեղ
է, նրան շատ չեն պահիլ: Նատ էլ որ ուզե-
նայ Օսանան, նրան ովկ մտիկ կանի: Նա մի
սկեսուր ունի, որ Աստուած ազատէ, գեան-
ջեցի է՝ քաղքցի դառած. որ մի բանի վերայ
խօսում է, էլ չի լուսմ. . . Զէ, տէր հայր,
նա գեղի տղայ է, կուշտ ուտել ու խմելու
սովոր. Էստեղ նրան ովկ էնքան հայ կըտայ,
որ նրա աչքը կշտանայ:

— Ի՞նչ է ասում, քա՛, մէջ ընկաւ Սօփիօն.
մաշ ինցիլի հիմի ովկ է պահի նրան, գանա
չի՞ն կանայ էստի էլ պահի. . .

— Պահիլ էլ կայ, պահիլ էլ. մարդ իրա
երեխին հօ չի դէն գցիլ: Իրանց գեղումը մի
երկու այբ-բեն էին սովորեցրել, էլ ուրիշ բան
ջրդիտէին. մէկ օր տաւարն էին ուղարկում,
միւս օր հորթեր, մէկէլ օր գութան. Էսպի-
սովթիւնով նա էլածն էլ մտիցը կըքցէր, թէ
որ՝ նրա բախտիցը՝ տէրտէրը չէր պատահել:

Ահա չորս տարի է, որ տէրտէրի մօտն է,
դեռ նրա հէրը մի թերժ թուղթ չի առած
նրա համար. . . Մէրը շատ խելօք, ժրագլուխ
կնիկարմատ է. թէ մի բան արել է, էլի նա
է արել. բայց հէրը ոչինչ բանում չի խառնուել. . .

— Ես էլ էնէնց իմ իմացի, վուր շատ
խելօք դէղա ունէ կօսէ Օսանէն:

— Ես նկատել եմ, տէր հայր, որ գեղի
կնանիքը աւելի շատ բան են շինում, քան թէ
տղամարդիկը. բայց ինչ որ Հռիփսիմէն է ա-
նում, հարիւրից մէկը կարող չէ անել: Քանի
անգամ ես նրանց տանը պատահել եմ, շաբ-
թով, ամսով կացել եմ, մի ըոպէ ես նրան
պարապ չեմ տեսել: Մի բան մանաւանդ, որ
աչքովս է ընկել, ես շատ եմ հաւանել, իբրեւ
նրանց անընդհատ աշխատութեան մի օրինակ,
որ՝ ի հարկէ՝ դու էլ կըլինիս նկատած, բայց
քեզ զգալի չի լինիլ եղած. . . Կուժը շալա-
կած ջուրը գնալիս՝ ձեռքները չեն ուզում պա-
րապ թողնել,— գուլքա գործելով են գնում:
Կամ երբ որ աղբիւրի նօբաթը ուշ է հասնում
իրանց, նրանք պարապ ու անգործ չեն կանգ-
նում. Էդ միջոցին էլ կամ գուլքա են գործում,

կամ իլիկ մանում . . . Գիւղերումը առհասարակ ծոյլ տղամարդիկ խիստ շատ կամ, բայց ծոյլ կնիկարմատ շատ հազիւ կը պատահի: Խօսքս մասնաւրցնեմ Արութիւնի մօր վերայ, որ մեր Սօփիօն իմանայ, թէ նա ինչ է անում: «Մանդր երեխանց տէր, աղջկակոխ էլած, հիմի արի նրանց շորերը կարիր, կարկատիր, լուա, թափ տուր, հագցրու, տունը սրբիր, տեղերը գցիր, հաւաքիր, օրը երկու թոնիր հաց թիսիր, կուժն ուսիդ դիր, գնա հեռու գետիցը հինգ վեց անգամ ջուր բեր, կերակուրն եփիր, մշակներին, հիփերին հաց տուր, տանըցոց գլխները շաբաթը մէկ անգամ լուա, երեխանցը լողացրու շալակով բերած ջրովդ, մարդի ոտներն ամեն իրիկուն լուա, տրինին հանիր : Հիմի արի աղջկերանցդ համար բաժինք շինիր, չուալ, խալիչա, կարպետ, խուրջին, մափուաշ, աղաքսակ, մէզար, ջէջիմ, զջարի գործիր, նօքարի ու տղէրանց համար հորագործ շալ ու շալվար գործիր, մարդի համար՝ տափագործ. ներկիր, կարիր, հագցրու. . . Հիմի արի ճիճու պահիր, աբրեշում քաշիր, քեզ համար ու աղջկերանցդ հա-

մար աբրեշումէ դերիացու գործիր, տղէրանց համար շապկացու, գօտկացու. . . Հիմի արի կովերը կթիր, հորթերը կալոտիր, դուրս արա, օրը մէկ-երկու խնոցի հարիր, եղը հալիր. . . Հիմի կալի-կուտի ժամանակ է, գնա արեգակի տակին, երեխին ձեռիդ, կանգնիր, կամը քշիր, եղիր, հաշան արա, քամելուն օգտիր, կալը սրբիր, պաճն աւլով քաշիր, քոչան խտըկիր, ցորենը շատարարի, աղումի համար խախալիր, տեփրիր, քարերը ջոկիր, ձաւարի համար ընտրիր, ծեծիր, քամիր, աղա. . . Հիմի բազաքաղի ժամանակ է. . . Հիմի սար պէտք է գնալ. . . Ե՛հ, ինչ եմ ասում, որ մի շաբաթ օր ու գիշեր ասեմ, էլի նրա արածի համառօտ ցուցակը չի կազմուիլ: Գեղի մէկէլ կնանիքն էլ, ներքի թաղիցն սկսած մինչեւ վերի թաղը՝ խեղճին չեն հանգստացնում: Մէկն ասում է՝ մի արի մինթանաս ձեւիր, մէկն ասում է՝ մէկ արի ջեջիմն հինիր, որն էլ գալիս է՝ թէ ասպս մձնուել է, մէկ արի շտկիր. էսպէս հազար ու մի բան: Որ մի քը մտածող ու անգէտ կնիկ լինէր, կասէինք՝ Ե՛հ, ինքն էլ չի իմանում, թէ ինչ օրում է, բայց

չէ՝ նա տէր Օհանի թոռն է, Հեղինէ կուսի քուոր աղջիկը։ Լուսահոգի Հեղինէն մի աշխարհք ման եկած շնորհքով կուս էր, նրա ձեռին է մեծացել։ Ղորդ է, գիր ըստվրեցրեց, որ կուս ըրդառնայ էն սիրուն շարմաղ աղջիկը, բայց անգիր աղօթքներ էր սովորեցնում, ու կար, ձեւ, գործ, որ Հեղինէն լաւ գիտէր։ Նրա կարովի սրբերի պատկերները որ մարդ տեսնի, կըմնայ զարմացած։

—Գէթաղվան, . . . բացագանչեց Սօփիօն, էլ չիս գիտի՞ իմքին, վուր ասիս, թէ էլի ինչ է անում. . . մաշ էդ թաւուր աղջիկը ինչի մէ լաւ մարդու չէին տալի . . .

—Ինչի՞ն, ինչ պակաս մարդ է Աւետիքը։ Կուզե՞ս պատմեմ թէ ինչպէս է ուղել նա էդ աղջկանը . . .

—Ավսոս չէ Աւետիքը, շատ պատուական մարդ է, ասաց տէր հայրը, նրա պէս անունով, նրա պէս աղուհացով, նրա պէս հասկացող ովկ կայ մեր գեղերումը։

—Բայց Աւետիքն առաջ էդպէս չէր. նա առաջ ուրիշ գազան էր, հիմա ուրիշ։ Մի բան որ նրանում չի փոխուել, այդ նրա բունակա-

լութիւնն է. առաջ զէնքով էր բռնանում մարդկանց վերայ, իսկ հիմա՝ խօսքով, գաղափարով կամ աւելի ուղիղն ասած՝ մոլեռանդութիւնով. . . Ես ու նա կաթնեղբայր ենք. ես նրան շատ լաւ եմ ճանաչում։ Ես մի ամսական եմ էլել, որ իմ մայրը վախճանուել է. նրա մէրն է ինձ ծիծ տուել, պահել. ողորմի իրան, լուսահոգին մի բոյով բուսաթով կնիկ-արմատ էր. տղամարդից յետ չէր մնալ, էնքան ուժով էր։ Նատ անգամ, որ խօսք էր բաց ըլում, ասում էի. «Ինձ քիչ ես ծիծ տուել, Աւետիքն շատ, էնդուր է նա ինձանից ուժով»։ Խեղճն ասում էր. «Ես միշտ մի ծիծս քու բերնումն էի զնում, մէկելն Աւետիքի, բայց նա շատ նախանձոտ երեխայ էր, միշտ երեսդ չանգուսում էր, չէր թողնում, որ հալալ ծիծ ուտես» . . . Ես նրանց տանն եմ մեծացել երեխայ ժամանակս. էն ժամանակը նրանք էլ, մենք էլ Գօրի էինք։ Յետոյ մենք եկանք քաղաք, հէրս Աւետիքին էլ ինձ հետ բերանաւաբարի մեծ տէր Օհանի մօտ աշկերտ տուաւ, որ գիր սովորենք։ Խեղճ հէրս ուղեց, որ ինչպէս նրանք ինձ լաւութիւն են արել,

պահել, մեծացրել, նա էլ փոխարէնը Աւետ-քին ուսման տայ, մարդ շինի: Բայց Աւետիքը գիր սովորելու ոչ սէր ունէր, ոչ հաւէս. երբ որ մի թուր կամ թուանք էր տեսնում, սիր-տը թոթուում էր. Ե՞րբ կըլինի, ասում էր, որ ես էլ կունենամ թուր ու թուանք. Ե՞րբ կըլինի, որ մի լաւ ձի ունենամ, լաւ եարազ, ասպաբ: Տէր Օհանն էլ աշակերտի սրտի մէջ ուսման սէր գցելու ոչ շնորհք ոնէր, ոչ կամք. Նա մի կատարեալ դահիճ էր աշակերտների համար: Ժամանակն էղպէս էր պահանջում, նա էլ իր ժամանակի մարդն էր: Մէկ օր վալախկայ գցեց Աւետքի ոտները. չար Աւե-տիքը քիչ մնաց թէ կատաղի. վրայ ընկաւ միքիցն էնպէս քաշեց, որ տէրտէրի աչքերիցն արտասուք եկաւ: Տէրտէրը դեղնեց, սփրթնեց, թէ «Ես լաւ նշան չէ, սա մարդասապան կը դառնայ»... Բռնել տուալ Աւետքին մէկ լաւ ծեծեց, յետոյ գուրս արաւ: Նա էլ կարծես էդ էր ուզում: վախսւ գնաց, էլ յետ չեկաւ: «Ճշմարիտ է, Աւետիքը գեղումը մեծա-ցաւ, բայց էնպէս մի տղայ դառաւ, որ ամենքն էլ նրա արեւովն էին երդում ուտում: ուրիշ

գեղ գնացած ժամանակն էլ մէկ մէկու մա-տով էին նշանց տալիս. մի խօսքով՝ մի գեղ էր, մի Աւետիք: Հասան-Խանի տարին նա Շուլավրեցի Սօսի աղի աջի կուռն էր: Երբ որ գուրդ ու զզլքաշ չափմիշ արին, թալանեցին Ռատեւանայ նէմէցներին, նրա չորս կողմի գեղերի ժողովուրդը փախել էին հաւաքուել Դաղէթի տակը, Խրամումը: Աւետիքն էլ իր ընկերներովը դրաից ամեն բան հացնում էր նրանց, որ քաղցած ըրմնան: Հարս ու աղջիկ, ծեր ու պառաւ, ամենքն էլ փրկչի տեղ էին դնում նրան, սիրում, պաշտում: Նա էլ հէնց աշխարհքի էդ խառնուած ժամանակը մէկ օր Խրամումը տեսնում է Հոռոմնիմին մի քա-նի աղջկերանց հետ, արիւնը գլուխն է ընկ-նում, քիչ է մնում թէ ձիուցը վէր ընկնի: Վէր է գալիս ձիուցը, աղջկայ կուռը պինդ բռնում: Նրա կշտի աղջկէքը, որ Աւետիկց էղպէս բան չէին սպասիլ, երբ որ տեսնում են, թէ նա ուզում է վախցնել, վազում են իմաց տալիս նրա ազգականներին: Հոռոմնիմը մի քիչ հառբա զօռբա է անում, որ Աւետքի ձեռիցն աղատուի. նա ասում է՝ անմեղ մի

շարչարուիլ, ես Էնպէս զուզզում չեմ, որ ձեռքս ընկած ճուտը բաց թողնեմ. մի վախենալ, ես քեզ չեմ փախցնելու, միայն ինձ ասա, տեսնեմ դու ում աղջիկն ես, որ էղքան սիրուն ես, անումդ ի՞նչ է, ես քեզ պիտի ուղեմ, ինձ չես հաւանում. . . Աղջիկը նրան պատասխան չի տալիս, այլ միայն աղի՛ ու ամի՞ է կանչում, որ օգնութեան հասնեն. . . Վերջապէս գեղցիք հասնում են, որ ձեռքիցը լալեն, հէնց կարծում են, թէ ուզում է փախցի, բայց Աւետիքը հէնց որ նրանց տեսնում է՝ ամաչում է, խելքը գլուխն է բերում, ձին նըստում, հեռանում. . .

«Կարմրատակած Հոռոմսիմին որ տեսնում են նրա ախպէրքը՝ կատաղում են, ուզում են հասնեն Աւետիքին գիւլլախոշով անեն, բայց նրանց մէրն ու կուար, որ վաղուց աչքադրած են ըլում Աւետիքին, արգելում են նրանց, յեն թողնում որ մի վատ բան ըլի՛: Աւետիքն էլ իմանում է, թէ նա ով է, ով չէ, իր մէջ փքփում է, որ էնպէս լաւ աչք է ունեցել եւ հէնց էն օրը մինից մի մատանչ է առնում, տալիս մի պառաւի, թէ տար

նշան տուր: Նշանը սիրով ընդունում են մէրն էլ ախպէրքն էլ, միայն նրանց հօրեղբայր Արզումանը, որ իրանց տան մեծն էր, շատ ջգրվում է, թէ ինչու իրան մարդի տեղ չեն դրել, չեն գնացել մի քանի ալեւոր մարդիկ իրանից լնդրել, թէ՝ «ուզում ենք ձեր օջաղիցը մի բուռը մոխիր վերցնենք» . . . Բայց լուսմ է, որովհետեւ ժամանակն էնպէս էր, որ շոնը տիրոջը չէր ճանաչում, մի գիւլլա էր նրա ջանը, եթէ ընդդիմանար. . .

«Յետոյ, երբ որ ժամանակը հանդարտվում է, ամենքն էլ քաշվում են իրանց գեղերը, իրանց տները, հարսանիքների ժամանակը որ գալիս է, «Ճանապակտրէքի» իրիկունը Աւետիքը մի ոչխար է ուզարկում, վերջն ինքն էլ է գնում, որ տեսնի ինչ պիտի տայ: Հացը որ ուտում են պրծնում, ասում է՝ «գէ ասեցէք, ի՞նչ պիտի տամ»: Ախպէրքն ասում են՝ «Մենք քեզանից ոչինչ չենք ուզում, Աստծու տուածիցը մենք ամեն բան էլ ունինք, կիսին չենք արժանի, մեր քուրը չենք ծախիլ: Մենք էլ, է՛հ, որքան կարող ենք, մեր քուրը չենք զրկիլ»:

«Բիձայ Արզումանը, որ Աւետքի արար-
մունքը գեռ չէր մարսել, հիմի էլ արխայինն
էր ընկել, աչքերը մէկ էնպէս օլորում է իր
ախազօր տղերանց վերայ, որ նրանք քիչ է մը-
նում թէ պատերիցը կպչեն:—Դուք ով էք,
ասում է, ում շունն էք, ինչ իշխանութիւն
ունիք, որ մէջ էք ընկնում, աղջիկ մարդու
տալիս, որ կամ առնէք, կամ չառնէք, ում
աշխատանքիցը պիտի ձեր քուոր համար բա-
ժինք անէք» . . . ու էսպէս շատ բաներ: Ա-
մենքն էլ մնում են լուռ ու մունջ նստած:
Աւետիքը չի ուզում ցոյց տալ, որ նրա խօս-
քերը գիւղի պէս դիպան իր սրտին, սառը
սառը հարցնում է. «Դէ դու ասա, բիձա
Արզուման, ինչ պիտի տամ» . . .

«Արզումանը տէրողորմեան հանում է
ջերիցը ու մօրոքը տմբացնելով՝ ասում:—Մէկ
լաւ մսացու՝ չաղ ու զբար կով, մի լաւ դօչ էլ
հետը»: Ասում է ու տէրողորմեան էլ հետը
չըխկացնում, իբր թէ հաշիւ է անում, կովի
վրայ ոչխար է աւելացնում: «Հարիւր թունդի
Շուշաւէրու լաւ գինի»: Իրանց գինին աւելի
լաւ է, բայց էնպէս է ասում, որ Աւետիքը

գնայ նոր մէկանց փողով գինի առնի: Հարս-
նախազօր համար մի լաւ մահուդ չուխա, քը-
սանըհինգ մանէթանոց»: Գինն էնդուր է ա-
սում, որ եթէ չուխէն էժանագին լինի ու
յըհամի, յետ դարձնէ, քսանըհինգ մանէթն
առնէ: «Հարմնամօր համար մի լաւ քաթիբա՝
երեք թումնանոց: Տասներկու ջուխտ Գեանջու
սաղրի քօշեր բարեկամ կնանքոնց համար:
Հինգ թուման սիպտակ արծաթ: Մէկ էլ ինձ
համար մի շիրմայի մրգի սանդր կառնես,
կրգաս ձեռս կըպաշես, կասես մեղայ Աստու-
ծու, ես էլ ձեզ կօրհնեմ, կերթաք ձեր մու-
րազին կըհամնէք . . .

«Աւետիքը զօռով բերմին հուփի է տալիս,
մինչեւ Արզումանը պղծնում է իր հաշիւը,
բայց որ «մեղայ Աստծուն» էլ վերջիցն է
կպցնում, Աւետքի աչքերն արնով լցնվում է:
Էսպէս ժամանակը մեր գեղացիք կամ առհա-
սարակ բոլոր անկիրթ մարդիկը բանական արա-
րածներ չեն, այլ խօսուն գազաններ, արջ,
գայլ, վարագ. . .

«Աւետիքը վեր է թուչում տեղիցը ձեռքն
էնպէս շրըխկացնում է խանչալի գաստին, որ

բոլոր տան երեխէքն ու հարսները տան պուճախներն են պրծնում . . . Գոռում է Աւետիքը . — Դու ովկ ես, որ ես քեզ մեղայ ասեմ, ես իսկի տէրտէրին մեղայ չեմ ասում: Ես իմ հօր տղէն եմ, քեզ պէս մարդի գլուխը ինձ համար մի սոխ չաժէ. ոչինչ չեմ տալու, աղջիկն էլ տանելու եմ. թէ որ զօւաղ մարդ ես, չըտաս: Ես գիշեր քեզ ժամանակ, մենք էգուց կըհանդիպենք մէկ մէկու» . . . Ես ասում է Աւետիքն ու կատաղած գուրս ընկնում: տան դուռն էլ էնպէս ըրբակացնում է, որ գուռը կրնկահան է ըլում, վէր ընկնում: Դրսումը շները վրայ են թափվում, որ մի լաւ քըքրեն, Աւետիքը մթնումը խանչան աղամ աղամ է անում, գիշզում է շներին, առիւծի պէս կըծատողները կանչելով վէր են թափվում:

Արզումանը որ իր ամեն մի կծոտողին մի սուրու ոչխարի հետ չէր փոխիլ, երբ որ տեսնում է կտրտած վէր ածած, էն սհաթին հրամայում է իրանց թուրք նօքարներին, որ ձիաները թամրեն: Ասում է՝ «Ես էս աղջիկը կըտանեմ Նորագեալու թոսովներումը մարդի կըտամ կամ թէ չէ՝ կըտանեմ ջուրը կըքցեմ,

էդ գաղան մարդասպանին չեմ տալ» . . . Տան մեծն ինքն էր, ով կըհամարձակէր նրա ձեռքիցը բռնել: Ասելն ու անելը մէկ է անում: Մօտ կէս գիշերին նրանք ճանապայ են ընկնում, թէ չէ՝ մէկը գնում է Աւետիքին իմաց տալիս. «Քու առնը քանդովի, ասում է, վեր կաց, նշանածդ փախցրին» : Ես որ լսում է քնաթաթախ Աւետիքը, փափախն էլ է մոռանում, տրինին էլ, դուս է ընկնում գժուածի նման շապկանց, ոտ ու գլուխը քաց, էն ցուրտ կէս գիշերին, փազում է մի քանի տան հերթից իմաց է տալիս իր ընկեր տղերանցը, «Հասէք, ասում է, նշանածս ձեռփյու խլում են» : Մինչեւ նրանք վեր կըկենային, թուանքի աղջոթուն, բանին մտիկ կանէին, Աւետիքը փազում է, գոմիցը տկլոր ձին դուս քաշում, նստում ու գուրս թոշում գեղամիջովը: Թուած տեղը ձեռքը գցում է մի չափարի միջից մի մեծ բհիր է հանում, որ նրանց համնելն ու մի երկու թուրք նօքարի խփելը մէկ է անում: Հէնց որ նրանք վէր ընկնում, «փայ մեռայ» կանչում, մէկէները փախչում են ցաքուտումը թաք կենում: Մէկ էլ որ բհիրն ուղում է վրայ

բերի Արզումանի գլխին, Հոռոմնիմը, որ նրա
թարքին նստած է ըլում, թոշում է Աւետքի
շնկովը կախ ընկնում, «Քեզ մատաղ, ասում է,
արիւն մի անիլ»: Աւետիքն էլ բարձրացնում
է Հոռոմնիմին դնում է իրա թարքին, յետ
դառնում: Հենց էդ միջոցին նրա ընկերներն
էլ ասլանների պէս դուրս են թափալում մէ-
րուցը, որը ձիով, որը ոտով, հայ որտեղ է,
հայ ուր է, կանչում. . . Աւետիքը նրանց
հանդարտեցնում է, չի թռղնում, որ Արզու-
մանին դիազէն: Ա՛սում է, որ էն թուղքերին
էլ վերցնեն տանեն, որ մի վնաս չըլի: Նրանք
էլ որը չուփէն է տալիս Աւետքին, որ չըմրսի,
որն իր փափախն է դնում նրա գլխին. . .
Մի շաբաթ էր դիս սրա վրայ էին խօսում,
յետոյ շուտ արին պատկեցին, որ գեղըցիք մի
քիչ հանդարտուին: Այ ինչպէս է ուզել նա
էդ աղջիկը, Սօփո ջան, վերջացրեց Օվակիմը
ծիծաղելով:

—Մաշ դուն ասում իս, կնիկը նրանց
համա գրօշ չաժէ. . . Լաւ կի դաւի դա-
ռաբա ին էլի սարքում կնկայ համա ու. . .

—Ի հարկէ, գրօշ չաժէ: Ամեն որ հօ

ցահել չի մնում մարդ, միշտ հօ մի խելքի
չի մնում, չէ՞ որ մարդի խելքն էլ է փոխվում,
նրա վարմունքն էլ: Պսակուեց թէ չէ՝ իրա
ծերունի հայրը, որ մինչեւ էն ժամանակը ոչինչ
չէր խօսում, տան մեծովմիւնը նրան էր տուել,
ինքը մի կողմ քաշուել, հիմի սկսեց քարոզ
կարգալ նրա գլխին ու խրատել: —Որդի, ա-
սում է, ինչ որ ես արել եմ, դու ոչ կարոզ
ես անել, ոչ կարող ես մոքովլստ անց կացնել:
Զէ, որդի, ասում է՝ աննպատակ զօշագութիւնը
մի տեսակ աւազակութիւն է, էդ լաւ բան չէ:
Հիմի կնկայ տէր ես դառել, էգուց էլօր որ-
դոց տէր կրդառնաս, նրանց պահել, պահ-
պանել է հարկաւոր: Բազրդ մեծացրու, տա-
ւարդ աւելացրու, զօնաղ սիրի, խեղճի օգնիր:
Թէ որ ուզում ես անուն ունենաս, հացով
կաց, հացի ձէնը Հնդստան կրհասնի: Ճամ
գնա, աղօթք արա, հաղորդուիր . . .

«Տէր հայր, էդ ծեր մարդը, Աւետքի
հէրը՝ Վէրդին՝ կարելի է տեսած կըլինիս,
մի տարօրինակ մարդ էր: Նա տարին մէկ
անգամ էր մտնում ժամ, որ հաղորդուի, մը-
նացած ժամանակը ժամի դրսումը մի փոշնի

ծառ կար, միշտ էն ծառի տակին էր կանգ-
նում: Մեռնելու ժամանակն էլ կտակ արաւ,
որ իրան էն ծառի տակին թաղեն: Էնալէս
էլ արին: Յետոյ եկեղեցին վերանորոգելիս
մեծացրին, նրա գերեզմանն ընկաւ եկեղեցու
խորանը: Էն մարդը, որ կենդանի ժամանակը
եկեղեցի չէր մտնում, մեռնելուց յետոյ մշտա-
պէս ընկաւ եկեղեցին: Նա գրագէտ մարդ էր,
որ մի զարմանալի բան էլ էդ էր, որովհետեւ
հասարակ գրագէտ չէր, Հայոց պատմութեան
տեղեակ մարդ էր, մինչ գեռ նրա ժամանակի
հոգեւորականները պատմութիւնից ոչ մի տե-
ղեկութիւն չունէին: Նա մեր վարդապետնե-
րին աչքով աչք չունէր տեսնելու: Ասում էր
«մեր ազգի տունը սրանց ձեռին է, բայց չեն
շինում, քանզում են . . .» Իրա մասին ինքը
ոչինչ չէր խօսում, բայց նրա հասակակից մար-
դիկը շատ բան էին ասում նրա վերայ, որ
մի ահագին պատմութիւն կրդառնայ, եթէ
մարդ գրելու լինի: Հիմիկուան խաղաղ ժա-
մանակում ապրող մարդիկս մեզ չենք կարող
ներկայացնել մեր պապերի ք սշաճն ու արածը,
մի ժամանակ, երբ մարդու գլուխն ու սոխի

գլուխը մի գին է ունեցել: Սովորածիւն,
արհաւիրք, մահտարաժամ, փախուստ, գաղ-
թականութիւն, եւ այդ էլ շարունակ. մէկը
պակասում է, մէկէլն է գալիս, մէկէլն անց-
նում է, միւսն է վրայ համառում: Նէրս պատ-
մում էր, թէ Վէրդին հարիկը մարդից աւելի
է սպանել, բայց ինքն ասում է՝ ես միայն
մէկ մարդ եմ սպանել, որովհետեւ էդ մէկ
մարդուն քնած ժամանակն էր սպանել եւ դրա
համար էր ապաշխարում եկեղեցու գրասումը. . .
Ինչ եւ իցէ, Աստուած որոզմի հոգուն, իգիթ
մարդ էր . . . Մեր աւետիքն էլ ուղիղ իր
հօրն էր քաշել: Քանի որ ազապ էր, ամսով,
տարով տանը չէր կենում. մէկ լսվում էր, թէ
երեւան է, մէկ թէ՝ Ղարաբաղ է, մէկ էլ
թէ՝ Քարթլ է, որտեղ մի ապստամբութիւն,
մի շարժում էր լինում, նա խոզին համում
էր: Ուրիշներից որ իմանում էր, թէ իր հէրը,
պապը շատ քաջ տղամարդիկ են էլել, խանե-
րի բէգերի գլուխ չեն էլել վէր բերելիս, նա
գժիկում էր չօլերն ընկնում, որ քաջութե-
նում նրանցից անց կենայ, որ չասեն՝ թէ «գու-
քու հօր տղէն չես», բայց պսակուեց թէ չէ,

Էլ տանիցը դուրս չեկաւ, թէ՝ «Իգիթի ապրանքն իր աչքի առջեւը պէտք է լինի»։ Սէրի էղ տաք տաք ժամանակ Հոռոմնիմն էլ սկսեց նրան քարոզել, հաւատի բերիլ. ինչ որ աղօթք գիտէր, դիմի էլ սովորեցրեց. սկսեց պատմել ճգնաւորներից, սուրբերից, մի խօսքով ինչ որ լսել էր Նեղինէից: Ժամ գնաց, հաղորդուեց. լուսահոգի տէր Ղուկասը նրա խղձմտանքն անհանգստացրեց, մեղքերը շնչին դարսեց, ծանր ապաշխարանքներ դրաւ վերան եւ էղ-պէսով էն առիւծ տղային շինեց մի գառը։ Շատ տեղեր էր ման եկել, քիչ շատ քաղաքավարութիւն էր սովորել, վրացերէն, թուրքերէն ճարտար խօսում էր, ոռւսերէն էլ կոտրտում էր։ Մարդամէջ ընկաւ, մարդիկն սկսեցին պատուել, պաշտել, մողրովի ու նաշանիկի մօտ միշտ նրան ուղարկել, նրան քեօխովայ շինել, նա էլ տեսաւ, որ ոչով իրա չափ խելք ու շնորհք չունի, սկսեց նրանց գլխին փիլխսոփայ դառնալ։ Նա որ մի ժամանակ ոչ հաւատ ունէր, ոչ յոյս, որովհետեւ նրա հաւատն ու յոյսը իր թուրքն ու թուանքն էին, հիմի, ինչպէս կասեն՝ «Օխտը վարդապետի

ղաղամ բան գիտէ»։ Հիմի որ հազար թուման տաս, նա պար չի գալ, թէ ինչ է՝ պար գալով Օհաննէս Մկրտչի գլուխը կտրել են տուել. ոչովի հետ պոռշտի չի անիլ, իր երեխին չի պաջիլ, թէ ինչ է՝ պաշելով՝ Յուղան Քրիստոսին մատնել է։ Մորթ անելը նրան հազար ու մէկ նզովքներով ու ապաշխարանքներով արգելուած է։ Մէկ մարդ, որ էսպէս տուտուց բաների գերի դառնայ, նրանից էլ ինչ սէր կարող ես պահանջել, քանի որ միրալիր յարաբերութիւնը նաև մեղք է համարում. . .

— Օլակիմ, քո ասածը կարելի է ճշմարիտ է, բայց իմ խելքումը չի տեղաւորվում։ Դու մեր Աւետքին բոլորովին յիմարացնում ես։ Ես դեռ նրա պէս խելօք մարդ չեմ տեսել։ Հիմի միթէ նա էնքան յիմար է, որ եթէ հասկացնես բանի զօրութիւնը, եթէ հասկացնես ուսման նշանակութիւնը, նա իրա որդուն չի օգնի։

— Բանն էս է, տէր հայր, որ մենք չենք իմանում, թէ ում ենք յիմար ասում եւ ում խելօք։ Աւետիքը յիմար չէ, ես համաձայն եմ քեզ հետ։ Բայց ես կասեմ, որ եթէ նա յիմար լինէր, աւելի շուտ կըհամոզուէր, որ պէտք է


օգնէ էր որդուն, քան թէ հիմա, որ քու
կարծիքով՝ խելօք է։ Նա խելօք է, այս, նա
յամառութիւն ունի կարծելու, որ խելօք է.
Նա կարող չէ կասկածել, որ իր գլխում եղա-
ծը խելք չէ, այլ յամառութիւն, կամապաշ-
տութիւն, ինքնասիրութիւն, մողեռանդութիւն,
եւ վերջապէս բարբարոսութիւն. որանց ամեն
ամեն մէկը միւսի հետեւանքն է։ Նա քեզ
կասէ՝ որ Սոլոմոնն էլ էր շատ իմաստուն,
բայց կռապաշտ գառաւ, կնկանք գլուխ վեր
բերաւ, գժոխք գնաց։ Նա քեզ կասէ՝ որդին
հօր հոգուն ոչ մի շահ չի տալ։ Գրիգոր Լու-
սաւորիչը, որ մեր հաւատի գլուխն է, ընկա-
րաց իրա հօրը գժոխքիցը հանել էր, էնքանն
արաւ միայն, որ գժոխքի սինք ականջիցը հանե-
ցին, աչքումը դրին։ Յիմար ու տգէտ մարդոց
գլխումը էսպէս առասպեճներ ջրկան, եւ ես զար-
մանում եմ, որ ում գլուխը որ քացախով ու դար-
մանով լլիքն է, նրան խելօք են ասում. . .

Տէր հայրը Օվակիմի խօսքերի մէջ տես-
նելով իր պատկերը՝ լռեց. այդ նկատեց Օվա-
կիմը եւ ուղենալով փոքր ինչ մեզմացնել իր
ասածները, աւելացրեց—

— Ի հարկէ՝ ես շատ էլ չեմ մեզադրում
Աւետիքին. նրա նախապաշարմունկները էնքան
զօրութիւն չունին, որ կարողանան Արութիւնի
ուսման առաջը փակել, եթէ միայն նրա սրտի
մէջ կրնկնի մի ուսումնասիրութեան կայծ։
Բայց եթէ առ հասարակ խօսելու լինինք գե-
ղացոց վերայ, էդ ուրիշ բան է։ Պէտք է
քաղաքը քիչ թէ շատ ուսումով լցնովի, «որ
լավունը տայ՝ ածի գեղերը»։ Բայց գեռ մեր
քաղքցիք իրանք չեն իմանում ուսման յարգն
ու կարեւորութիւնը, գեռ իրանք են մի բան
առնում, որ իրանց երեխին ուսման տան,
գեղացիք ինչ տեղից կիմանան, կամ վերջապէս
նրանք ինչ գիտեն, թէ ուսումն ինչ է։ Զօռով
բան չի լինիլ, տէլ հայր, ամեն բան իրա ժա-
մանակն ունի, իրա պատճառը։ Նատ անգամ
գարոնքը գալիս է, որ ծառերի ծաղկելու
ժամանակն է, բայց շատ ծառեր չեն ծաղ-
կում, պատճառն ինչ է։ ցուրտը տարած է
լինում նրանց։ Մենք որ կանք հիմա՝ մէկ ցըր-
տատար, ջրատար ազգ ենք. մեզանից եթէ
հազարից մէկը ծաղկի, էն էլ մեծ բան է. . .
Հասկանում ես իմ ասածը, տէրտէր ջան. . .

— Ի՞նչպէս չեմ հասկանում, օրհնուած,
դու հէնց մեզ ամենքիս էլ երեխի տեղ ես
գրել . . .

— Դէ որ հասկանում ես, էլ ինչ ասեմ,
«զի որ ունիցի ականջս լսելոյ, լուկոցէ» : Ասած
է, «Ականջը նրա համար չի շատ մեծանում;
որ շատ բան է լսում» : Ես շատ խօսեցի, յոգ-
նեցայ. ինչ անեմ, էրուած տեղեր ունիմ, ա-
սած է «Դարդ ունեցողը եանգշաղ կըլինի» :
Հիմի ես մի տեսակ եանգշաղ եմ դառել. յոյս
ունիմ, որ դու կըներես, տէր հայր . . .
Սօփիօ ջան, շուտ արա, սուփիրէն գցիր . . .



Զ.

ՔՈՅՐ ՈՒ ԵՂԲԱՅՐ

Րբ որ Օսանան եղբօրը
տարաւ իր մօտ, սկսեց
պատմել նրան, թէ ինչ
են դառնում գիւղից
քաղաք եկողները. թէ
քաղաքի ուսումնարան-
ները լաւ են, սովորեց-
նում են մի քանի լեզու.

Թէ շատ անգամ գիւղից աղքատ երեխէք են
գալիս եւ ուսում առնելով՝ գառնում են վար-
ժապետներ, գրագիրներ, չինովնիկներ. թէ
ինչպէս նրանք հարուստ մարդի աղջիկ են
ուզում եւ իրանք էլ հարստանում, թէ ինչպէս

այս եւ այն անձը աղսոյ է գառել, որ էլ ոչովի
չի հաւանում, մոռացել է իր ստոր ծագումն
ու չքաւորութիւնը . . .

Սյսպէս՝ երբ տան միւս անդամները գը-
նացել էին իրանց գործին, քոյր ու եզրայր
առանձնացած՝ մտածում էին, թէ ի՞նչպէս լաւ
կըմնէր Արութիւնի համար — մնալ քաղաքումը,
թէ էլի յետ դառնալ դէպի գիւղ:

— Զէ, լաւ կանես, որ էլ գեղը ջրգնաս,
ասաց Օսանան. Էնտեղ ի՞նչ պէտք է սովորես.
Էդ տէրտէրն ինքն ի՞նչ գիտէ, որ քեզ ինչ
սովորեցնէ . . .

— Էդ մի ասիլ, պաշտպանեց Արութիւնը
իր տէրտէրին, էդպէս տէրտէր էս քաղքումը
չի լինիլ. գա մէկ անյայտ փիլիտիայ է. կա-
թողիկոար որ գիտենայ, գրան եպիտկոպոսի
խաչ կըտայ . . .

— Ի՞նչ ես ասում, ա տղայ, ընդդիմա-
խօսեց Օսանան: Դա մեր Օվակիմի մօրաքրոջ
որդին է, ես միթէ չեմ ճանաչում դրան:
Մէկ օր խօսք բացուեցաւ, ես հարցրի Օվա-
կիմին, նա թէ՝ «Ճգնաւոր, բարեսիրոտ մարդ
է, բայց գլխումը խելք չըկայ. դրա համար

սուտն ու ճշմարիտը մէկ է, երկումն էլ հա-
ստում է» . . . Էստեղ գեմնազիումն էնպէս
բաներ են սովորեցնում, որ գա իր օրումը լլ-
սած չի լինիլ: Մեր հարեւան Սառի տղայ Եա-
գորը հիմի գեմնազիի վրայ չորս կլասումն է:
Նրա մէրն էնպէս բաներ է ասում նրանից,
որ մարդ լսի, կըմնայ զարմացած . . .

— Ի՞նչ բաներ է ասում:

— Ասում է իմ տղէն հիմի գիտէ, թէ
Էստեղից մինչեւ Մօսկով տրոյկի ակը քանի
անդամ պատոյտ կըգայ: Նա, ասում է, գիտէ,
թէ Աղամից մինչեւ Հիմիքանի մինուտ է անցել:
Արա քու տէրտէրն էդ գիդի՞ն, քեզ ասել է . . .

— Ես որ քաղքումը մնամ, էդ բաները
կըսովորեմ:

— Ի հարկէ, կըսովորես: Որ մտնես Վանքի
ուսումնարանը, յետոյ տէրտէր կըդառնաս.
ուզենաս, գրագիր կըդառնաս Կօնձիստորումը,
կամ թէ չէ՝ վարժապետութիւն կանես, ժա-
մումն էլ տիրացուութիւն: Թէ որ խելօք կըլիս,
մի հարուստ մարդ քեզ փեսայ կըշինի, կաշ-
խատի, ձեռնագրել կըտայ մի հարուստ եկե-
ղեցու վերայ: Կամ թէ չէ՝ թէ որ կուզես,

կըմսնես գեմնազիա, էնտեղ լաւ ոսերէն կը
սովորես, յետոյ թագաւորական զուլուղ կը
մտնես, ջինովնիկ կըդառնաս, տարէց տարի
ջինըդ կաւելանայ, մեծ մարդ կըդառնաս,
համ քեզ կըլիս շահ, համ թագաւորին . . .
Հաբա . . .

—Որ գիմնազիումը լաւ սովորեմ, յետոյ
մօղրով էլ կըդառնամ, չէ է . . .

—Մօղրովն ինչ է, դու նրանից էլ մեծ
մարդ կըդառնաս, ենարալ կըդառնաս . . .

—Ուհ, ամմա մեծ մարդ կըլիմ հա . . .

Դորդ, էդքան կըբարձրանամ. . . Է՛հ, ենա-
րալ չէ որ, եթէ մի հասարակ դիլքանդ էլ
դառնալու ըլիմ, ես կըմտնեմ գիմնազիա: Այ,
մեր գեղցիք, լեզու ըրդիտեն, օրէնք ըրդի-
տեն, մի հասարակ եասաւուի առաջ փափախ-
նին վեր են կախում, կշտին կուչ գալիս: Քանի
անգամ եմ տեսել մօղրովին իմ հօրը ծեծելիս:
Նոր չէր, որ բերդն էլ գցեցին, ուզում էին
սիբիր ուղարկեն: Մէկ անգամ տարել էր մօ-
տը, էլ բաց չէր թողնում, թէ դու ինձ պէտք
ես, լեզու գիտես, զօշալ մարդ ես, դու ինձ
պէտք է օգնես, որ բոլոր գողերին բոնոտենք:

Վար ու ցանքի ժամանակ է, խալիսն իրանց
բանը լիրջացրել են, մենք դեռ մի հատ ցո-
րեն չենք քցել հողը: Մէկ էլ տեսանք, հրէս
մօղրովիք եկաւ մի հարիւր ձիաւորով: Եկան
մեր դռանը վէր եկան: Երբ որ գնալու էին,
հէրս ասեց.—Աղա, խնդրեմ ինձ մուրախաս
անես, ես մենակ մարդ եմ, տանս ուրիշ աշ-
խատող չունիմ, հիմի էլ ուրիշներին տար. թէ
որ բէգառ է, պէտք է ամենքն էլ քաշեն:
Նա թէ՝ չի կարելի, պէտք է գաս: Չեմ գալ,
պիտի գաս, մի քիչ ընդդիմացաւ հէրս: Մօղ-
րովը չիբխի գլուխը հանեց ու նրա կոթովը
մին թէ երկու, հօրս գլխին ու երեսին . . .
Ենքան խըեց, որ արնակուու արաւ: Ենակս
բարկութիւնս եկաւ. մի մեծ քար վեր կալայ,
որ տանեմ մօղրովի գլխին գցեմ, մեր մար-
դիկը խլեցին ձեռիցս, թէ՝ էդ ի՞նչ ես անում,
գի՞ժ, ուզում ես, որ մեր սազ գեղը կրակ
տան, էրեն. . . Հաբա: Ենակս բաներ եմ
տեսել, որ սիրոս արնով լցուել է, աչքերս
պէծին պէծին արել, հիմի էլ ամեն միտս
գալով՝ ջանս սուսում է, մազերս վշաքաղում:
Ես միշտ Աստղըուն աղաջանք եմ անում, որ

հոգիս չառնի, ինձ լեզու տայ, շնորհք տայ,
որ ես դրանց բոլորի ջիգը հանեմ, սիրոս
հովանեմ. . . Ես որ չինովնիկ դառնամ, որ
էլ ոչով իրաւունք չունենայ ինձ վրայ ձեռք
վէր բերել, այնուշետեւ ես գիտեմ, թէ ինչեր
կանեմ. . .

— Զէ, ես քեզ էլ չեմ տալ տէրտէրին,
որ տանի, ես նրան պատասխան կըտամ: Մա-
նուէլի հետ միասին կերթաք Վանքի ուսում-
նարանը կամ թէ չէ՝ գեմնազիս, որտեղ որ
ձեզ յարմար կըլինի, էնտեղ կերթաք:

— Նատ լաւ, էդպէս արա: Ես էլ մի
գիր կըգրեմ, որ մեր տանիցը ալիւր, բան
ուղարկեն: Դու ինձ մի թուղթ ու թանաքա-
ման տուր. . .

Սրութիւնը դեռ չէր աւարտել իր նա-
մակը, որ տէր Պետրոսը ներս մտաւ:

— Սրութիւն, որդի, մենք ուշանում ենք.
Էստեղ քաղաք տեղ է, գարին, գարմանը թանգ
է, — ասաց տէր հայրը, նստելով աթոռի վե-
րայ, որ Օսանան առաջ քաշեց:

— Տէր հայր, ինդրեմ Սրութիւնին թող-
նէք մնայ այստեղ, ասաց Օսանան:

— Ես հէնց երազումն տեսայ, որ դու
Սրութիւնին պիտի ձեռիցս խլես: Յետոյ, քո
հէրն էլ համաձայն կըլինի այդ բանին, գի-
տե՞ս, նրա համար քաղաքը մի սարսափելի
բան է:

— Ես իմ հօրը կըհամաձայնեցնեմ:

— Լաւ, որդի, ես հօ զրկամութիւն չեմ
անում: Ես Սրութիւնին որդու պէս եմ պա-
հել. Ես ինքս էլ եմ ուզում, որ լաւ ուսում
առնի, լաւ տղայ, խելօք տղայ գառնայ. ա-
սաց տէր հայրը եւ ապա գառնալով Սրու-
թիւնին՝ հարցրեց.

— Սրութիւն, որդի, ուզում ես մնալ:


— Հա, ասաց Սրութիւնը ամաչելով:

— Լաւ, որդի. . . դէ խելօք կաց, առա-
ւոտ, իրիկուն ժամ գնա, ժամ ասա, մնա-
ռակ տղոց հետ ընկերութիւն չանես, կոճի
ըրխազաս, ըրգնաս Քուումը լողանալու, կամ
Օրթաճալա ման գալու: Ի՞ու գիտես, ինձ
չամաչացնես. Էնպէս արա, որ մի ժամանակ
ես էլ պարծենամ: Ինձ շուտ շուտ նամակ
գրիր, մի նեղութիւն ունենաս, ինձ յայտնիր:
Մնաս խաղաղութեամբ, Տէր ընդ քեզ:

Արութիւնը համբուրեց տէր հօր աջը,
տէրտէրն էլ նրա գլխին մի «պահպանիչ»
ասեց եւ բոլորին խաղաղովիւն մաղթելով՝
դուրս գնաց . . .

ՎԵՐԳ ԱՌԱՋԻՆ ԳՐՁՈՅՆԻ





ՀՀ Ազգային գրադարան



NL0585557

ՀՀ Ազգային գրադարան



NL0585556

ՀՀ Ազգային գրադարան



NL0585555

